

ACTA DA XUNTA DE GOBERNO LOCAL
Sesión do 26 de novembro de 2007

ASISTENTES:

Membros :

D. Abel Caballero Álvarez
D. Francisco Xabier Alonso Pérez
D. Xulio Calviño Rodríguez
D. Santiago Domínguez Olveira
D. Carlos López Font
D^a Elena Maure Noia
D. Santos Héctor Rodríguez Díaz
D^a Carmen Silva Rego

NON ASISTEN:

D^a Isaura Abelairas Rodríguez
D^a M^a Xosé Méndez Piñeiro

Invitados:

D^a Raquel Díaz Vázquez
D^a María Jesús Lago Rey
D^a Laura López Atrio
D. Angel Rivas González
D. Xesús López Carreira
D^a Iolanda Veloso Ríos

Na Casa do Concello de Vigo, ás catorce horas e dez minutos do día vinte e seis de novembro de dous mil sete e baixo a presidencia do Excmo. Sr. Alcalde, Sr. Caballero Alvarez, coa asistencia dos concelleiros/as anteriormente citados, actuando como Secretaria a concelleira, Sra. Abelairas Rodríguez, constitúese a Xunta de Goberno Local desta Corporación co obxecto de realizar sesión ORDINARIA de acordo coa orde do día remitida a tódolos membros coa antelación legal precisa.

Están tamén presentes por invitación, o titular do órgano de apoio á Xunta de Goberno Local, Sr. Lorenzo Penela, o interventor xeral, Sr. González Carnero, titular da Asesoría Xurídica, Sr. Figueroa Dorrego.

A Xunta de Goberno Local adopta os seguintes acordos:

1(2089).- ACTA ANTERIOR. Apróbase a acta da sesión do 15 de outubro de 2007. Deberán incorporarse ó libro de actas da Xunta de Goberno autorizada coa miña sinatura e maila da Sra. alcaldesa-presidenta.

2(2090).- RECTIFICACIÓN DO PUNTO 3º DAS BASES DE AXUDAS MUNICIPAIS ESCOLARES DE LIBROS E COMEDOR NOS CENTROS PÚBLICOS E CON CONCERTO PLENO. EXPTE. 26542/301.

Examinadas as actuacións do expediente, dáse conta do informe proposta da traballadora Social Responsable do Programa de AMES, conformado polo xefe de Área de Benestar Social, a concellería delegada da Área de Benestar social e o interventor xeral, que di o seguinte:

“RECTIFICACIÓN DO PUNTO 3º DAS “BASES AXUDAS MUNICIPAIS ESCOLARES DE LIBROS E COMEDOR NOS CENTROS PÚBLICOS E CON CONCERTO PLENO DE EDUCACIÓN INFANTIL (2ª ETAPA) PRIMARIA E SECUNDARIA OBRIGATORIA” XUNTA GOBERNO LOCAL 30 ABRIL 2007.

Na Xunta de Goberno Local de 30 de abril de 2007, no punto nº 3 das “Bases Axudas Municipais Escolares de libros e comedor nos Centros públicos e con concerto Pleno de educación infantil (2ª etapa) primaria e secundaria obrigatoria, adoptou o seguinte acordo:

“Aprobar e dispor o gasto de 370.000,00 € para axudas municipais escolares de comedor para o curso 2007/2008. Desta cantidade, 92.500,00 € imputaranse ao exercicio 2007, o resto 277.500,00 € con cargo ao exercicio 2008. Ambas as dúas cantidades serán aboadas mediante libramento a xustificar na conta habilitada 2080.0000.74.0040242619”

Segundo se reseña no punto anterior, as cuantías serían:

- Ano 2007 – outubro, novembro e decembro: 92.500,00 €
- Ano 2008 – de xaneiro a maio: 277.500,00 €

Dado que o servizo de comedor, tanto nos centros públicos como concertados, ampliouse nos meses de setembro e xunio para o curso escolar 2007/2008, é necesario cambiar a distribución dos 370.000,00 € estipulados para as axudas de comedor.

- Ano 2007 – de setembro a decembro: 132.426,60 €
- Ano 2008 – de xaneiro a xuño: 237.573,40 €

Polo exposto con anterioridade, propónselle a Xunta de Goberno Local que adopte o seguinte acordo:

1º(2090).- Rectificar o punto 3º do acordo da Xunta de Goberno Local, 30 de abril de 2007 das Bases Axudas Municipais Escolares de libros e comedor nos Centros públicos e con concerto Pleno de educación infantil (2ª etapa) primaria e secundaria obrigatoria, da seguinte forma:

2º(2090).- Aprobar e dispor o gasto de 370.000,00 € para axudas municipais escolares de comedor para o curso 2007/2008. Desta cantidade, 132.426,60 € imputaránse ao exercicio 2007, o resto 237,573,40 €, con cargo ao exercicio do ano 2008. Ambas as dúas cantidades serán aboadas mediante libramento a xustificar na conta habilitada do departamento 2080.0000.74.0040242619.

Non obstante, A Xunta de Goberno Local adoptará o acordo que estime máis oportuno.

Acordo

A Xunta de Goberno local aproba a proposta contida no precedente informe.

3(2091).-SOLICITUDE DO COMESAÑA SPORTING CLUB DE AUTORIZACIÓN PARA REALIZAR O XXIX MEMORIAL BELARMINO ALONSO O DÍA 2.12.07. EXPTE. 7293/333.

Examinadas as actuacións do expediente e de acordo co informe proposta do director técnico do 29.10.07, conformado polo concelleiro de Deportes, a Xunta de Goberno local acorda:

Autorizar, ao Comesaña Sporting Club , a organizar o vindeiro 2 de decembro de 2007, o XXIX Memorial Belarmino Alonso, a partir das 10.30 horas, con saída da estrada de Camposancos, e percorrendo o paseo do río Lagares.

4(2092).-DEREITOS DE AUTOR DA PROGRAMACIÓN DO SERVIZO DE ANIMACIÓN SOCIOCULTURAL PARA O ANO 2007. EXPTE. 2342/335.

Examinadas as actuacións do expediente, dáse conta do informe do xefe do Servizo de Animación Sociocultural, do 22.10.07, conformado polo concelleiro da Área de Cultura e Animación

Sociocultural e polo interventor xeral, que di o seguinte:

Con data 22 de outubro de 2007, o concelleiro delegado da área de Cultura e Animación sociocultural, resolveu que polo servizo de Animación sociocultural se iniciase o expediente para a autorización dun gasto de 17.000 (dezasete mil) euros, en concepto de dereitos de autor xerados pola programación deste servizo durante o segundo semestre do actual exercicio económico.

De acordo coa lexislación sobre Propiedade intelectual, a difusión público do repertorio xera dereitos a favor dos autores, intérpretes e aqueloutros que interveñen no proceso de creación, dereitos estes que son xestionados pola Sociedad General de Autores y Editores (SGAE).

A tal fin, para a realización dun concerto, representación teatral ou outro espectáculo no que se faga difusión público do repertorio da SGAE, cómpre dispoñer dunha autorización previa do uso do seu repertorio para cada un dos actos de difusión.

As autorizacións das entidades de xestión de dereitos de autor para utilización do seu repertorio tramítanse a través dun documento tipo da entidade (achegamos documento tipo da SGAE adxunto a este expediente).

O organizador, neste caso o Concello de Vigo, por disposición legal, ten a consideración de depositario dos dereitos devengados polo seu espectáculo e, en calidade de tal, vén obrigado a telo a disposición da entidade e restituílo á mesma, cando esta o solicite, unha vez realizado o acto. Tales dereitos cuantificados sobre o 10% do importe do evento, dispoñen dunha bonificación nun 25% nos espectáculos musicais ó abeiro da adhesión ó convenio asinado no ano 1996 entre a SGAE e a FEMP, aprobado por decreto da Alcaldía de data 24/07/2001.

Para o aseguramento destas obrigas a SGAE formula con carácter xeral que o organizador ofrezca unha fianza solidaria, un depósito en efectivo, un talón ou aval bancario. Esixencia que resulta innecesaria aplicar ó Concello de Vigo pola solvencia na liquidación destes dereitos nos últimos anos.

Polo anteriormente exposto, e tendo en conta que a SGAE aínda non dispón da valoración dos dereitos xerados no segundo semestre, principalmente os das Festas do Cristo no verán, e aínda se descoñecen os dereitos derivados da programación municipal ata final de ano, considérase necesaria a autorización xenérica de gasto por 17.000 euros, para o aboamento á SGAE do importe dos dereitos de autor, daqueles programas ou actividades xestionados polo servizo de Animación sociocultural con cargo ó programa presupostario 4512.226.0805 (festas de Vigo).

Polo exposto, tras o informe da Intervención xeral, coa conformidade do concelleiro-delegado da Área de Cultura e Animación sociocultural, faise á Xunta de Goberno local a seguinte

PROPOSTA.

1º.- Que se autorice un gasto de 17.000 (dezasete mil) euros a favor da Sociedad General de Autores y Editores (SGAE), con CIF G-28029643, para atender as previsións de pagamento en concepto de dereitos de autor derivados da programación do Servizo de Animación sociocultural para o segundo semestre do ano 2007, con cargo á partida 4512.226.0805 (festas de Vigo), do presuposto municipal prorrogado para o ano 2007.

2º.- Que se faculte ó concelleiro-delegado da Área de Cultural e Animación sociocultural para asinar coa antedita entidade os contratos de autorización de espectáculos e as correspondentes liquidacións de dereito.

Acordo

A Xunta de Goberno local aproba a proposta contida no precedente informe.

5(2093).- PROPOSTA DE AUTORIZACIÓN Á AQUALIA FCC VIGO UTE PARA CONTRATACIÓN DUN TÉCNICO PARA O POSTO DE DIRECTOR DE EXPLOTACIÓN-DIRECTOR DO PLAN DE EMERXENCIA DA PRESA DE ZAMÁNS. EXPTE. 44448/250.

Examinadas as actuacións do expediente, dáse conta do informe do xefe do Servizo de Investimentos, do 6.11.07, conformado polo interventor xeral, que di o seguinte:

Con data 24 de outubro de 2007 o Enxeñeiro Xefe de Vías e Obras remite a este servizo proposta relativa á contratación dun técnico que deberá desenvolver as tarefas de Director de Explotación da Presa de Zamáns. En relación co citado expediente esta xefatura emite o seguinte

INFORME:

- O Pleno de este Excmo. Concello, en sesión celebrada o día 25 de outubro de 1990 acordou adxudicar a xestión integral do Servizo de Abastecemento de Auga, Saneamento e Depuración de Augas Residuais, por un período de 25 anos, á entidade SERAGUA FOCSA (hoxe AQUALIA FCC Vigo UTE).
- O apartado punto 4 da cláusula 3ª do Pliego de Cláusulas Administrativas particulares, que rexiu o Concurso para o outorgamento da concesión (en adiante PCAP) establece: “los licitadores deberán consignar en la proposición, que se acompaña al presente Pliego de Condiciones, el coste unitario de los servicios objeto de concesión, excluyendo del mismo las cantidades resultantes, a las que hace mención los apartados b.1.6.2) y b.1.5) del punto 2 (Plan de Inversiones)”.
- Nos mesmos termos maniféstase o modelo de proposición, que se inclúe no PCAP, cando para a determinación do canon a favor do Concello ou, no seu caso, a subvención a percibir polo Concesionario establece: Que un ou outro deducirase por diferenza entre a tarefa media e o custe unitario, de cuio resultado positivo obteríase un ingreso para a Facenda Local, e o signo negativo indicaría a necesidade de asignar dotacións no Presuposto de Gastos (Capítulo IV) a favor da entidade adxudicataria.
- En canto o réxime económico da concesión e a retribución da Concesionaria se deberá estar á regulación que se reflexa na cláusula 80 e seguintes do PCAP, das cales parecenos relevante destacar o contido dos apartados letra a) e b) do número 1 do artigo 80, cuio tenor literal es o seguinte:

“80.1 El Concesionario percibirá el concepto de retribución por los servicios objeto de la concesión:

- a) Los ingresos por la aplicación a los abonados de las tarifas vigentes en cada momento, en los servicios de abastecimiento de agua y saneamiento, y demás complementarios, con arreglo a las tarifas aprobadas por el Ayuntamiento o por el Organismo que ostente competencias en la materia, de acuerdo con el procedimiento legalmente establecido en cada momento, con cuya aplicación a cargo de los abonados deberá cubrir el Concesionario, en todo o en parte, el coste unitario de los servicios encomendados, de conformidad con lo establecido en su proposición económica y posteriores revisiones, así como con lo establecido en la siguiente condición...
- b) Las subvenciones que, en su caso, y para mantener el equilibrio económico-financiero de la concesión, acuerde otorgar el Ayuntamiento al Concesionario, de conformidad con lo establecido en la condición 84 del presente Pliego”.

Non parece pois ofrecer duda interpretativa algunha a actitude clara e decidida da administración contratante, expresada a traveso das condicións do concurso, en canto a garantir a debida cobertura do “custe unitario” mediante a aplicación dunha tarefa suficiente. No suposto de que se puxéra de manifesto un desequilibrio, en perxuizo da explotación, se activaría un mecanismo corrector que se implementaría con transferencia (subvención) a favor do concesionario

- A necesidade de cubrir o posto de Director de Explotación da Presa de Zamáns é esixencia da previsión recollida no artigo 5.3 da Orde de 12 de marzo de 1996, pola que se aproba o Regulamento Técnico sobre Seguridade de Presas e Embalses, cúa entrada en vigor prodúcese en data moi posterior á do acordo de outorgamento de concesión.
- Do análise cronolóxico dos feitos (acordo de adxudicación e data na que surte efectos a Orde de 12/3/1996) infírese que a administración concedente non impuxo asunción de compromiso económico algun ó licitador polo que respecta ó gasto de explotación inherente á contratación dun Enxeñeiro Director de presa, xa que tal esixencia era descoñecida polas disposicións de aplicación á data de convocatoria de concurso e da súa

adxudicación.

- De conformidade coa actuación da Administración Municipal os respectivos licitadores do concurso non computaron na súa estrutura de custes de persoal a que corresponde ó técnico ó que se refire a proposta formulada polo Enxeñeiro Xefe de Vías e Obras, que se analiza no presente informe.
- En concordancia co que antecede, esta xefatura entende que está xustificada e ten amparo en dereito o establecemento dunha compensación económica a favor do Concesionario, na mesma contía que os gastos incurridos, ós que serían de aplicación as porcentaxes de Gastos Xerais e Beneficio Industrial incluídos na súa proposición e todo ilo a fin de neutralizar o desembolso que supón na conta de explotación da concesión facerse cargo dunha contratación que incumbe ó titular da concesión administrativa de aproveitamento de dominio público da Presa de Zamáns (Concello de Vigo) e que debido a razóns de operatividade, adecuada coordinación e eficacia na prestación dos servizos de auga potable, a xefatura de Vías e Obras aconsella a súa integración na plantilla de persoal da entidade adxudicataria AQUALIA FCC VIGO UTE.
- Os gastos previstos na proposta, que se somete a consideración da Xunta de Goberno Local, pódense encadrar nos seguintes conceptos:
 1. De inversión.- Fan referencia á adquisición de equipos e a súa instalación, co o único obxecto de introducir melloras na instrumentación da Presa e cuantifícanse en 9.924,67€.
 2. De explotación.- Recollen os gastos orixinados pola contratación do técnico, os traballos periódicos de topografía e auscultación a realizar e por último a previsión presupostaria para atender os pagos de pólizas de seguro e visados regulamentarios do Colexio Profesional.

En razón ó anteriormente exposto esta xefatura PROPON Á XUNTA DE GOBERNO LOCAL a adopción do seguinte ACORDO:

1. Autorizar á entidade adxudicataria do Servizo de Abastecemento e Saneamento de Augas de Vigo, AQUALIA-FCC-VIGO-UTE, a contratación do Enxeñeiro de Camiños Canales e Portos (colexiado nº 14455) D. FRANCISCO CAÑADA ECHANIZ para o desempeño do posto de “Director de explotación - Director do Plan de Emerxencia da Presa de Zamáns”, que deberá realizar as súas funcións e desenvolver as súas tarefas de conformidade coas competencias establecidas no informe-proposta do Enxeñeiro Xefe de Vías e Obras (24/10/2007) e, en todo caso, con estricta suxección ó previsto na Orde de 12 de marzo de 1996, pola que se aproba o Regulamento Técnico sobre Seguridade de Presas e Embalses, todo ilo cun presuposto anual de 44.322,30€ (correspondente a un custe de 39.930€ máis un 11% en concepto de Gastos Xerais e Beneficio Industrial).
2. Tomar coñecemento de que a recuperación do custe de explotación, ó que se fai referencia no punto precedente, efectuarase mediante a súa inclusión no concepto retributivo do concesionario denominado “custe unitario” e se determinara, a partires do exercicio 2008, debidamente indexado por aplicación do IPC, en termos de custe medio de repercusión por m3., en función do volume de auga efectivamente facturado no exercicio económico inmediato anterior.
3. Recoñecer o dereito que lle asiste á entidade concesionaria do servizo para a amortización da inversión prevista, en contía de 9.924,67€, trala súa activación no “Modelo de Recuperación de Investimentos” co obxecto de materializar a súa devolución ó longo do período concesional cun custe financeiro equivalente o tipo de interés prefixado no Plan de Inversions.

Acordo

A Xunta de Goberno local aproba a proposta contida no precedente informe.

6(2094).- PROXECTO DE MELLORA AMBIENTAL DO RÍO LAGARES (TRAMO AVDA. MADRID-ESTRADA DO AEROPORTO): RECUPERACIÓN DE MARXES, ELIMINACIÓN DE VERQUIDOS E ADECUACIÓN PARA O USO PÚBLICO.EXPTE. 5536/306.

Examinadas as actuacións do expediente, visto o informe xurídico favorable, de data 15.11.07, o documento contable RC acreditando a existencia de saldo suficiente para o gasto que se propón realizar, dáse conta do informe-proposta do técnico de Admón. Xeral, do 14.11.07, conformado polo técnico supervisor de Medio, Ambiente, Sanidade e Consumo, e pola concelleira de Medio Ambiente, que di o seguinte:

I. FEITOS/ANTECEDENTES

I.1. A finais do ano 2005 o Departamento municipal de Medio Ambiente encargoulle á consultora “Lagares Ingeniería, S.L.” un estudio sobre a viabilidade técnica da continuación do paseo do Lagares, desde a Avda. de Madrid ata a Lagoa Mol.

I.2. Ese estudio, co título: «Estudio de trazado do sendeiro no río Lagares dende a Estrada ó Aeroporto ata o tramo existente (xuíño 2006)», foi xa completado e entregado e constituiría, xunto co «Plan Especial de Rexeneración do Corredor Natural do Río Lagares (PERCNL)» e as previsións do PXOM en trámite, o punto de partida para a redacción do proxecto que agora se pretende contratar, denominado: «Proxecto de mellora ambiental do Río Lagares (Tramo Avda. de Madrid - Estrada do Aeroporto): recuperación de marxos, eliminación de verquidos e adecuación para o uso público».

I.3. Por proposta do técnico supervisor de Medio Ambiente, sanidade e consumo do 07.11.2007 e mediante Decreto do 08.11.2007, a concelleira-delegada de Medio Ambiente resolveu: «Incoar expediente administrativo para a contratación por concurso público, procedemento aberto, da redacción do proxecto denominado «Proxecto de mellora ambiental do Río Lagares (Tramo Avda. de Madrid - Estrada do Aeroporto): recuperación de marxos, eliminación de verquidos e adecuación para o uso público», encomendándolle ó técnico de Admón. xeral que asina a redacción dos Pregos de contratación e ó Servicio municipal de contratación a tramitación administrativa do expediente.

I.4. En cumprimento do ordenado nese Decreto, elaboráronse os citados Pregos de cláusulas administrativas e de prescricións técnicas, subscritos polo técnico supervisor de Medio Ambiente, sanidade e consumo con data 12.11.2007.

I.5. En data 13.11.2007 remítese o expediente completo ó técnico de Admón. xeral que subscibe para que se emita o informe-proposta que en Dereito proceda.

II. NORMATIVA EXAMINADA

- *TRLCAP: RDLex. 2/2000, do 16 de xuño, polo que se aprobou o Texto Refundido da Lei de Contratos das Administracións públicas.*
- *RX-TRLCAP: RD.1098/2001, do 12 de outubro, Regulamento xeral da LCAP.*
- *TRRL: RDLex. 781/86, do 18 de abril, polo que se aprobou o Texto refundido das disposicións legais vixentes en materia de réxime local).*
- *LRBRL: L.7/85, do 2 de abril, Reguladora das bases do Réxime local.*
- *LMMGL: L.57/2003, do 16 de decembro, de Medidas para a modernización do goberno local.*
- *LALGA: L.5/97, do 22 de xullo, de Administración local de Galicia.*
- *TRLRHL: RDLex.2/2004, do 5 de marzo, Texto refudido Lei reguladora das Facendas locais.*
- *RD.500/1990, do 20 abril, de presupostos das Entidades locais.*
- *Bases de execución orzamentos Excmo. Concello de Vigo.*

III. DEREITO/VALORACIÓN XURÍDICA

III.1. Tal como ordena o artigo 319 da LALGA, na elaboración dos Pregos observáronse os requisitos que para os contratos desta clase se conteñen na lexislación estatal básica en materia de contratación (Arts. 67.2, 67.6, 68 RX-TRLCAP e

concordantes).

III.2. Este contrato ten a natureza dun contrato administrativo ordinario de consultoría e asistencia técnica (Arts. 5.2.a] e 196 TRLCAP e Art. 311.2.a] LALGA) e inclúe produtos e actividades ós que lles correspondería o código 742, na nomenclatura da Clasificación de Produtos por Actividades CPA-2002.

III.3. Os Pregos elaborados teñen por finalidade establecer o contido e alcance da citada asistencia técnica e fixar as condicións técnicas, económicas e administrativas que rexerán a súa contratación por concurso aberto, conforme ó disposto na lexislación vixente sobre contratación das Administracións públicas.

III.4. Para os efectos do disposto nos artigos 13 e 202.1 do TRLCAP, xustifícase a necesidade de realizar esta contratación nas evidentes carencias e insuficiencias da actual estrutura administrativa e técnica do Departamento municipal de Medio Ambiente, que farían imposible asumir directamente a execución dos traballos que serán obxecto do contrato.

III.5. Conforme cos artigos 73.1 e 2, 75 e 208 do TRLCAP e 323 e 324 da LALGA, propónse como procedemento de adxudicación do contrato o concurso, por procedemento aberto e trámite de urxencia (Arts. 70, 71 e concordantes TRLCAP e Art. 322 LALGA), xustificada esta na necesidade de dispoñer canto antes dun proxecto executivo e de levar a cabo as obras nel previstas, indispensables para conquistar a mellora ambiental dun espazo especialmente valioso pero sometido a unha fortísima presión antrópica (verquidos, ocupacións ilegais, etc.) que demanda unha actuación inmediata por parte da Admón.

III.6. O contrato será adxudicado polo órgano de contratación, por proposta da Mesa de contratación, ó empresario que presente a proposición máis vantaxosa en conxunto, mediante a aplicación dos criterios e baremacións contidos no Prego de cláusulas administrativas; a saber: (a) Valoración técnica das proposicións; (b) Melloras; (c) Menor prazo a respecto do fixado no Prego como máximo, e, (d) Menor prazo a respecto do presuposto máximo de licitación (Arts. 74.3 e 85 e ss. TRLCAP e 67.2.i] RX-TRLCAP); a non ser, claro está, que decida declaralo deserto (Art. 88.2 TRLCAP).

III.7. Cómpre, ademáis, ter en conta que o concurso é a forma normal de adxudicación destes contratos, como así se prevé no artigo 208.3 do TRLCAP.

III.8. Constitúe, pois, o obxecto deste contrato de consultoría e asistencia técnica a contratación da redacción do «Proxecto de mellora ambiental do Río Lagares (Tramo Avda. de Madrid - Estrada do Aeroporto): recuperación de marxes, eliminación de verquidos e adecuación para o uso público»; quedando suficientemente xustificada no expediente a súa necesidade para os fins do servizo público encomendados ó Departamento de Medio Ambiente (Arts. 13 TRLCAP e 316 LALGA).

III.9. O tipo máximo de licitación, IVE incluído, fíxase en 60.000 € (SESENTA MIL EUROS, IVE incl.); gasto financiable con cargo á partida 4450.227.06.00 («Estudios previos e proxectos») dos orzamentos municipais.

III.10. No Prego de cláusulas administrativas (cláusula nº 3), establécese a improcedencia da revisión de prezos, o que podería fundamentarse perfectamente na propia natureza, prazo e características do contrato; no que, a diferenza dos contratos de obras ou de subministración, predominan as prestacións de carácter intelectual, así como na actual conxuntura de estabilidade económica e débil fluctuación monetaria e, finalmente, no feito de que a posible marxe de relativa impredecibilidade para un contrato desta clase quede suficientemente cuberta cun tipo de licitación que, pola súa contía, considérase capaz de lograr o mantemento do equilibrio financeiro do contrato durante toda a súa vixencia.

III.11. Tocante á duración do contrato, ésta fíxase nun máximo de seis (6) meses desde a súa formalización.

III.12. Previamente á aprobación dos Pregos, do gasto representado pola contratación e do procedemento de adxudicación, conforme co previsto nos artigos 318.2 e 327.3ª e 4ª da LALGA e 113.1ª, 113.4ª e 113.5ª do TRRL, deberán recabarse os informes da secretaría xeral (hoxe: titular da asesoría xurídica: DA. 8ª LMMGL) e da Intervención municipal de fondos e incorporarse certificado da existencia de crédito ou documento que legalmente o substitúa (Arts. 67.2 TRLCAP, 54 do D.500/90, do 20 de abril, e 214 do TRLRHL).

III.13. A competencia para contratar dos distintos órganos da Corporación réxese polo disposto na LRBRL, no TRRL e na lexislación autonómica, tendo en conta, ademáis, o previsto nas Bases de execución dos orzamentos. En todo caso, o acordo aprobatorio do expediente de contratación e de apertura do procedemento de adxudicación correspóndelle ó órgano que sexa competente, conforme á lei, para ordenar o gasto (Art. 113 TRRL). A teor do artigo 127.1.f] da LMMGL, a Xunta de goberno local será o órgano competente para a adxudicación definitiva deste contrato.

IV. PROPOSTA DE ACORDO

Visto o que antecede e a normativa de pertinente aplicación; en especial os artigos 49.1, 51.1 e 69.1 do TRLCAP, 318 da LALGA e 113 do TRRL propónse, unha vez recabados os preceptivos informes do titular da asesoría xurídica e da Intervención municipal de fondos ós que antes se fixo referencia, a adopción do seguinte,

«ACORDO

- PRIMEIRO:** *Aprobar os Pregos de cláusulas administrativas e de prescricións técnicas que rexerán o concurso público, procedemento aberto, para a contratación da redacción do «Proxecto de mellora ambiental do Río Lagares (Tramo Avda. de Madrid - Estrada do Aeroporto): recuperación de marxes, eliminación de verquidos e adecuación para o uso público», promovido polo Departamento municipal de Medio Ambiente (exp. nº 5336/306-2007).*
- SEGUNDO:** *Declarar a urxencia na tramitación deste expediente de contratación, dada a necesidade de acelerar o proceso de adxudicación polas razóns de interese público indicadas no informe-proposta transcrito na parte expositiva deste acordo.*
- TERCEIRO:** *Autorizar o gasto derivado desta contratación, por importe total de 60.000 € (SESENTA MIL EUROS, IVE incl.); gasto financiable con cargo á partida 4450.227.06.00 («Estudios previos e proxectos») dos orzamentos municipais».*

Acordo

A Xunta de Goberno local aproba a proposta contida no precedente informe.

7(2095).- CONVALIDACIÓN DE GASTO POR IMPORTE DE 8.608,22 € A FAVOR DA ASOCIACIÓN DE MULLERES PROGRESISTAS POLA PRESTACIÓN DO SERVIZO DE ATENCIÓN DOMICILIARIA Á INFANCIA. EXPTE. 3075/224.

Examinadas as actuacións do expediente, visto o informe favorable do interventor xeral, do 16.11.07, e de acordo co informe-proposta da técnica da Oficina da Muller, do 8.11.07, conformado pola concelleira delegada de Igualdade, a Xunta de Goberno local acorda:

1º.- Convalidar as actuacións de gasto realizadas sen fiscalización previa, que figura na factura número 25/2007 da “Asociación de Mulleres Progresistas”, CIF 36657336, con data no Rexistro Xeral o día 06 de novembro de 2007, por un importe total de 8.608,22.-€, en concepto de prestación do servizo de atención domiciliar á Infancia durante o periodo comprendido entre o 1 e o 31 de outubro de 2007, con cargo á partida 4632.227.0602 “*Sadi Kanguros*” e bolsa de vinculación xurídica do programa presupostario da Concellería de Igualdade para o exercicio 2007.

2º.- Recoñecer a obriga a favor da “Asociación de Mulleres Progresistas”, CIF 36657336, por un importe total de 8.608,22.-€, en concepto de prestación do servizo de atención domiciliar á Infancia durante o periodo comprendido entre o 1 e o 31 de outubro de 2007, con cargo á partida 4632.227.0602 “*Sadi Kanguros*” e bolsa de vinculación xurídica do programa presupostario da Concellería de Igualdade para o exercicio 2007.

3º.- Aboar á “Asociación de Mulleres Progresistas”, CIF 36657336, por un importe total de 8.608,22.-€, con cargo á partida 4632.227.0602 “*Sadi Kanguros*” e bolsa de vinculación xurídica do programa presupostario da Concellería de Igualdade para o exercicio 2007.

8(2096).- DAR CONTA DA FUSIÓN POR ABSORCIÓN DE SERVICIOS Y PROCESOS AMBIENTALES S.A. A CONSERVACIÓN DE INFRAESTRUCTURAS URBANAS S.A. (OBRAS DE MELLORA DE SANEAMENTO DE ZAMÁNS)EXPTE. 2034/241.

Examinadas as actuacións do expediente, dáse conta do informe-proposta do xefe de Negociado de Contratación, do 12.11.07, conformado polo concelleiro da Área de Xestión Municipal e polo interventor xeral, que di o seguinte:

A Xunta de Goberno de 26-07-2005 adxudicou a Conservación de Infraestruturas Urbanas, S.A. o contrato para a execución das obras de mellora de saneamento de Zamáns.

Con data 28-08-2008 Servicios y Procesos Ambientales, S.A. comunica que mediante escritura outorgada ante o Notario de Madrid D. Celso Méndez Ureña de data 02-07-2007 e con numero de protocolo 2996 a absorción mediante fusión de Conservación de Infraestruturas Urbanas, S.A acompañando escritura de dita absorción.

O artigo 112.5 do Real Decreto Legislativo 2/2000 polo que se aproba o Texto Refundido da Lei de Contratos das Administracións Públicas afirma que no caso de fusión de empresas nos que participe a sociedade contratista continuara co contrato coa entidade absorbente ou resultante da fusión, que quedará subrogada en tódolos dereitos e obrigas dimanantes do mesmo.

A vista das anteriores consideracións, PROPONSE A XUNTA DE GOBERNO a adopción do seguinte acordo:

“Darse por enterada da fusión por absorción de Servicios y Procesos Ambientales, S.A (sociedade absorbente) e Conservación de Infraestruturas Urbanas, S.A. (sociedade absorbida) e polo tanto a primeira delas subrogase en tódolos dereitos e obrigas resultantes do contrato de execución das obras de mellora de saneamento de Zamáns adxudicado por acordo da Xunta de Goberno de Vigo de 26-07-2005.”

Acordo

A Xunta de Goberno local aproba a proposta contida no precedente informe.

9(2097).- DAR CONTA DA FUSIÓN POR ABSORCIÓN DE IMESAPI S.A. A API, APLICACIONES DE PINTURA S.A. (EXECUCIÓN E MANTEMENTO DA SINALIZACIÓN HORIZONTAL E VERTICAL DO TERMINO MUNICIPAL DE VIGO)EXPTE.2033/241.

Examinadas as actuacións do expediente, dáse conta do informe-proposta do xefe de Negociado de Contratación, do 12.11.07, conformado polo concelleiro da Área de Xestión Municipal e polo interventor xeral, que di o seguinte:

A Xunta de Goberno de 16-02-2004 adxudicou a Aplicación de Pinturas API, S.A. o contrato de subministración, execución e mantemento da sinalización horizontal e vertical do termino municipal de Vigo. Dito contrato foi modificado por acordo da Xunta de Goberno de 26-12-2006.

Con data 16-07-2007 Imesapi, S.A. comunica mediante escritura outorgada ante o Notario de Madrid D. Antonio Luis Reina Gutierrez de data 30-06-2007 e con numero de protocolo 3099 a absorción mediante fusión de a Aplicación de Pinturas API, S.A acompañando certificado notarial de dita absorción.

O artigo 112.5 do Real Decreto Legislativo 2/2000 polo que se aproba o Texto Refundido da Lei de Contratos das Administracións Públicas afirma que no caso de fusión de empresas nos que participe a sociedade contratista continuara co contrato coa entidade absorbente ou resultante da fusión, que quedará subrogada en tódolos dereitos e obrigas dimanantes do mesmo.

A vista das anteriores consideracións, proponse a adopción do seguinte acordo:

“Darse por enterada da fusión por absorción de Imesapi, S.A. (sociedade absorbente) e Aplicación de Pinturas API, S.A. (sociedade absorbida) e polo tanto a primeira delas subrogase en tódolos dereitos e obrigas resultantes do contrato de subministración, execución e mantemento da sinalización horizontal e vertical do termino municipal de Vigo adxudicado por acordo da Xunta de Goberno de Vigo de 16.02.2004 e modificado por acordo de dito órgano de 26.12.06”.

Acordo

A Xunta de Goberno local queda enterada da fusión por absorción de Imesapi, S.A. (sociedade absorbente) e Aplicación de Pinturas API, S.A. (sociedade absorbida) e polo tanto a primeira delas subrogase en tódolos dereitos e obrigas resultantes do contrato de subministración, execución e mantemento da sinalización horizontal e vertical do termino municipal de Vigo adxudicado por acordo da Xunta de Goberno de Vigo de 16.02.2004 e modificado por acordo de dito órgano de 26.12.06”.

10(2098).- REVISIÓN DE PREZOS DO CONTRATO DO SERVIZO DE VIXILANCIA DOS CENTROS CÍVICOS DEPENDENTES DA CONCELLERÍA DE PARTICIPACIÓN CIDADÁ. EXPTE. 1345/321.

Examinadas as actuacións do expediente e de acordo co informe-proposta da técnico de Admón. Especial, do 6.11.07, conformado polo concelleiro delegado de Contratación e polo interventor xeral, a Xunta de Goberno local acorda:

Aprobar a revisión de prezos do contrato do servizo de vixilancia dos centros cívicos dependentes da concellería de Participación Cidadá, adxudicado a Empresa Securitas Seguridad España S.A. por acordo a Xunta de Goberno local de 26 de xuño de 2006, establecendo o mesmo, a partir do 1 de xullo de 2007, na cantidade de 76.800 euros.

11(2099).- RESOLUCIÓN DE CONTRATO DE DE OBRAS DO EDIFICIO CAMBÓN COA EMPRESA ORECO S.A. EXPTE. 2189/101.

Examinadas as actuacións do expediente, visto o informe xurídico favorable, dáse conta do informe-proposta do xefe da Área de Contratación e Novos Proxectos, do 15.10.07, conformado polo concelleiro de Contratación e polo interventor xeral, que di o seguinte:

A Xunta de Goberno celebrada o día 04-12-2006 acordou adxudicar a ORECO, S.A. O contrato para a execución das obras do proxecto de demolición parcial e reconstrución da cuberta do edificio CAMBÓN outorgándose o correspondente contrato en documento administrativo con data 23 de febreiro de 2007.

Unha vez adxudicado o contrato e previamente ó inicio dos traballos realizáronse diversas negociacións entre o concello, a Xunta de Galicia, o Ministerio de Medio Ambiente e o seu Organismo Autónomo “Parque Naturales” co fin de destinar o edificio á sede do Parque Natural de Islas Atlántidas e ante a inminente peche das mesmas recibíuse unha comunicación do Director adjunto de Parques Naturales na que comunica, en relación coas obras previstas no edificio, que: “dado que a cuberta ía a executar el Concello de Vigo, corriendo a cargo de Parques Naturales a obra do resto do edificio, por razóns operativas e de unificación de la actuación, se considera preferible que el acondicionamiento de todo el edificio, incluyendo la cubierta, esté recogido en un proyecto cuyo presupuesto vaya íntegramente con cargo al Organismo Autónomo Parques Nacionales, lo que se comunica a los efectos oportunos.”

Ditos efectos, toda vez da pública e recoñecida vontade municipal de aceptar o novo destino do edificio, non son outros que a resolución do contrato coa entidade ORECO, S.A., a instancia do Concello o que conleva a devolución da fianza definitiva prestada e a liberación das cantidades consignadas na correspondente partida orzamentaria no seu día consignado polo importe ao prezo do contrato que ascendía a suma de 352.800 €.

Feitas as correspondentes xestións coa entidade ORECO, S.A., polo Concelleiro D de Contratación e aceptada a resolución do contrato polo representante legal da contratista, o cal e digno e agradecemento, na comparecencia de 11 de outubro de 2007, que únese ao presente informe proposta, procede, toda vez que cumprense os requisitos esixidos pola lexislación vixente para elo (Arts. 111 e 112 do TRLCAP) e, nin sequera outorgouse polos técnicos e representantes do concello a correspondente Acta de replanto do edificio para o inicio da execución da obra, que a Xunta de Goberno local, na súa calidade de Órgano de contratación do Concello e previos informes do Titular da Asesoría Xurídica e a Intervención Xeral, adopte o seguinte:

ACORDO

“1º.- Resolver de mutuo acordo e a instancia municipal a relación contractual entre a empresa “ORECO S.A” e o concello de Vigo para a execución das obras do proxecto de demolición parcial e reconstrución da cuberta do edificio CAMBÓN que fora adxudicado a devandita empresa por acordo da Comisión de Goberno de 04-12-2006.

2º.- Devolve-la garantía definitiva que por importe de 14112 euros, foi constituída na Tesourería Municipal o día 22-02-2007 con número de operación 200700009096 para garanti-la execución do contrato e dar traslado do presente acordo a Intervención Xeral para que proceda a efectuar os oportunos axustes na partida orzamentaria da consignación do gasto.

Acordo

A Xunta de Goberno local aproba a proposta contida no precedente informe.

12(2100).- SOLICITUDE DE D. JUAN J. PAZ RODRÍGUEZ DE DESCATALOGACIÓN DO CAMIÑO RÚA SENRA COMO VIAL PÚBLICO. EXPTE. 17372/240.DESESTIMADA.

Examinadas as actuacións do expediente, dáse conta do informe-proposta do xefe de Patrimonio e Contratación, do 30.10.07, conformado pola xefa de Réxime Interior e polo concelleiro Delegado de Patrimonio, que di o seguinte:

NORMATIVA DE APLICACIÓN

- Lei 7/1985, de 2 de abril, Reguladora das bases do Réxime local (LBRL).
- Lei 33/2003, de 3 de novembro, do Patrimonio das Administracións Públicas (LPAP).
- Lei 5/1997, de 22 de xullo, da Administración local de Galicia (LALG).
- Real Decreto - Lexislativo 781/1986, de 18 de abril, Texto Refundido das Disposicións legais vixentes en materia do Réxime Local (TRRL).
- Real Decreto 1372/1986, de 13 de xuño, polo que se aproba o Regulamento de Bens das Entidades Locais (RBEL).
- Lei 30/1992, de 26 novembro, de Réxime Xurídico das Administracións Públicas e do Procedemento administrativo Común (LRJAP).
- Lei 1/2001, de 7 de enero, de Enxuízamento Civil (LEC).
- Real Decreto de 24 de xullo de 1889, Código Civil (CC).

ANTECEDENTES

Primeiro.- D. Juan J. Paz Rodríguez presenta escrito, con data de entrada no Rexistro Xeral deste Concello de 19-09-2005 solicitando a descatalogación do Camiño Senra R1 do Inventario Municipal de bens e dereitos como vial público, ao considerar que se trata dunha servidumbre de paso sendo parte da súa propiedade. Achega coa solicitude escritura de propiedade, planos, e diversa documentación.

Segundo.- Na instrución do expediente foron levados a cabo os trámites procedementais regulamentarios e emitidos os pertinentes informes por parte dos técnicos dos servizos municipais competentes nas diversas

materias que puideran incidir no obxecto do expediente, e na resolución que finalmente deban adoptar os órganos competentes desta Administración, constando os seguintes:

- Informe da Oficina do Inventario de data 06-03-2006
- Informe do Arquitecto municipal da Oficina Técnica da Unidade de Patrimonio, de data 31-10-2005.
- Informe do Servizo de Vías e Obras, de data 31-01-2006.
- Informe do Servizo de Electromecánicos, de data 25-9-07 e 15-05-2006.

Terceiro.- Así mesmo, outorgouse trámite de audiencia á Entidade Local Menor de Bembrive e aos propietarios das parcelas colindantes, na súa condición de interesados no procedemento como titulares de dereitos que se poideran ver afectados pola solicitude de descatalogación plantexada, nos termos dos artigos 31 e 84 LRJAP, formulando alegacións soamente Dña Purificación Daponte Vila o 27-04-2006 manifestando o carácter de servidume de dito ramal.

FUNDAMENTOS DE DEREITO

Primeiro.- Identificación do ben controvertido. O camiño obxecto da presente reclamación figura no Inventario Municipal de bens e dereitos aprobado por Acordo Plenario de data 4 de maio de 1993, no epígrafe I de bens inmóbeis, como ben de dominio público afecto ao uso público e, na súa condición de vía pública, integrado na rede viaria municipal.

Segundo.- Natureza xurídica do ben de dominio público do R-1 camiño Senra. Son bens de dominio público os que, sendo de titularidade pública, se atopan afectados ao uso xeral ou ao servizo público, así como aqueles aos que una lei outorgue expresamente o carácter de demaniais (artigos 5 LPAP, 79 LBRL, 263 LALG). Dentro dos bens demaniais das corporacións locais, teñen a consideración de bens de uso público local, entre outros, os camiños de aproveitamento ou utilización xeral cuxa conservación e policía sexan competencia da entidade local (artigos 264 LALG, 74 TRRL e 3 RBEL).

Terceiro.- Carácter do Inventario Municipal de bens e dereitos. Entre os medios e facultades que establece o ordeamento xurídico para garantir a protección e defensa do patrimonio das Administracións públicas atópase a obriga de inventariar os bens e dereitos que o integran, facendo constar, co suficiente detalle, as mencións necesarias para a súa identificación, así como as que resulten precisas para reflectir a súa situación xurídica e o destino ou uso a que son adicados (artigos 32.1 LPAP, 278 LALG, 86 TRRL e 17 RBEL). O inventario deberá autorizarse polo Secretario da Corporación local, co visto bo do Presidente, e o Pleno será o órgano competente para acordar a aprobación, rectificación e comprobación do mesmo (artigos 32.1 e 34 RBEL), ou ben, no caso dos municipios de gran poboación, a Xunta de Goberno local (artigo 127.1.f LBRL).

O Inventario Municipal de bens e dereitos do Excmo. Concello de Vigo foi aprobado definitivamente por acordo plenario de data 4 de maio de 1993, con referencia ao 31 de decembro de 1991. Para a súa aprobación seguiu-se o procedemento establecido no artigo 49 LBRL para a aprobación das ordenanzas locais, aínda que as disposicións legais aplicábeis non o esixen, para maior garantía dos dereitos e intereses dos administrados: a) aprobación inicial polo Pleno municipal, en data 19 de decembro de 1992 ; b) información pública e audiencia aos interesados por prazo de 30 días para formulación de alegacións e presentación de reclamacións, no seu caso ; c) resolución de todas as reclamacións presentadas dentro de prazo; d) aprobación definitiva polo Pleno. No entanto, é de reseñar que durante o período de información pública non consta que se tivese formulado ningunha alegación en relación coa inclusión do camiño obxecto do presente expediente no Inventario Municipal de bens e dereitos no seu epígrafe correspondente ás vías públicas, segundo resulta dos antecedentes do expediente de rectificación e actualización do mencionado inventario. En consecuencia, o camiño de referencia foi considerado vía pública de titularidade municipal integrante do patrimonio municipal en condición de ben de dominio público afecto ao uso público.

Tras o Acordo Plenario de aprobación definitiva do Inventario Municipal de bens e dereitos este deviu firme, resultando esgotada a vía administrativa, e goza, polo tanto, da lexitimidade, validez e executividade que o noso ordeamento xurídico atribúe aos actos administrativos firmes (artigos 56 e 57 LRJAP).

Cuarto.- Respecto a cuestión da rectificación inventarial solicitada. O presente expediente ten como finalidade

determinar se é correcta a inclusión no epígrafe I do inventario municipal do camiño en cuestión en atención ao seu uso público, ou, no caso contrario, de non concorrer esta circunstancia, procedese rectificar o inventario, dando de baixa, dado que a Administración municipal non pode entrar en cuestións de propiedade ao corresponder a competencia para o seu coñecemento e resolución á xurisdicción civil. Neste senso, a controversia centrase na configuración ou non dese camiño como público en virtude da súa afectación ao uso público e da posesión pública e pacífica do mesmo polo Concello de Vigo. Así, se ben non consta que o camiño veña sendo obxecto de labores de mantemento e limpeza segundo informa o servizo de vías e obras, sí dispon, pola contra, de alumado público, atopándose dita instalación incluída nas operacións de mantemento que se realizan periodicamente polos servizos municipais dende o momento na que se instalou, que alomenos é dende o ano 1991, o constar xa nesa data na ficha técnica do Inventario Municipal de Vías, dotado co alumado público.

Noutro orden, non se acredita o carácter de servidume que manifesta ter dito ramal o solicitante e que gravaría a súa propiedade, xa que non se achega documento algún constitutivo da mesma. Da instrución do expediente, pola contra, dito ramal consta reflectido no plano catastral co que é colindante polo vento leste a finca do interesado, finca cuxa superficie, segundo o título de propiedade achegado, é coincidente coa sinalada polo Catastro. Asimesmo é de salientar a constancia de dito camiño reflectido no título de propiedade que figura no expediente 665-76 referente a licencia de obra outorgada a Dña.Purificación Daponte Vila, no que se sinala que a súa finca linda polo vento oeste (o correspondente co actual ramal) con camiño.

A teor do exposto, dedúcese que é indubitado tanto o uso público do camiño de referencia como o feito de que este conta con servizos públicos cuxo mantemento ven sendo realizado por esta Administración. Se temos en conta que o ordeamento xurídico recoñece ás corporacións locais plena capacidade xurídica para a adquisición de toda clase de bens e dereitos por calquera medio válido en dereito (artigos 5 LRBRL; 270 e 275 da LALG; 8.4.c, 9, 14.1 RBEL) podemos concluir que non procede a rectificación inventarial solicitada posto que “prima facie” parece que o camiño da Senra R-1. é de titularidade municipal e as Administracións públicas teñen a obriga de protexer e defender os seus bens e dereitos, tendo prohibido o alleamento fronte as demandas formuladas contra eles (artigos 5, 68.1 LRBRL; 270, 284.2, 285 LALG; 220 ROF e 9 e 73 RBEL).

Quinto.- Natureza xurídica da presente reclamación. A reclamación na vía administrativa, segundo dispón o artigo 120.1 LRJAP, é requisito previo ao exercicio de accións fundadas en dereito privado ou laboral contra calquera Administración Pública, salvo nos supostos nos que este requisito estea exceptuado por unha disposición con rango de lei. No caso que nos ocupa, dado que se trata dunha cuestión de propiedade, e a declaración da existencia de dereitos, de acordo co disposto no artigo 5 da LEC, é competencia dos tribunais do orde xurisdiccional civil, resulta procedente a interposición de reclamación administrativa previa, carácter que cabe predicar da presente reclamación aínda que o interesado non a denomine formalmente deste xeito, en virtude do antiformalismo que preside a regulación dos procedementos administrativos na Lei 30/1992, de 26 novembro, de Réxime Xurídico das Administracións Públicas e do Procedemento administrativo Común, por analoxía co disposto no artigo 110 LRJAP respecto dos recursos administrativos.

Sexto.- Órgano competente para a resolución da reclamación administrativa previa. Resulta competente para a adopción do acordo de resolución do expediente de alteración da cualificación xurídica dos bens a Xunta de Goberno Local de acordo co disposto no artigo 127.1.f da Lei 7/1985, de 2 de abril, Reguladora das bases do Réxime local.

Polo anteriormente exposto, propónse a Xunta de Goberno Local, en uso das atribucións que lle confire a lexislación vixente, a adopción do seguinte acordo:

“ UNICO.-Desestimar a reclamación administrativa previa á vía xurisdiccional civil formulada por D. Juan J. Paz Rodríguez mediante escrito, con data de entrada no Rexistro Xeral deste Concello de 19-09-2005 ao non resultar procedente, á vista dos fundamentos xurídicos recollidos no corpo do presente escrito, a rectificación inventarial solicitada respecto do camiño Senra R-1 recollido no epígrafe I de bens inmóbeis do Inventario municipal de bens e dereitos.

Acordo

A Xunta de Goberno local aproba a proposta contida no precedente informe.

13(2101).- PROPOSTA DE AUTORIZACIÓN PARA A OCUPACIÓN DE DOMINIO PÚBLICO PARA ENTRADA DE VEHÍCULOS Á FINCA Nº 52 DO PASEO CRONISTA ALVAREZ BLÁZQUEZ.. EXPTE. 3487/446.

Examinadas as actuacións do expediente, dáse conta do informe-proposta do xefe de Patrimonio e Contratación, do 2.11.07, conformado pola xefa da Área de Réxime Interior e polo concelleiro Delegado de Patrimonio, que di o seguinte:

NORMATIVA DE APLICACIÓN:

- *Lei 7/1985, de 2 de abril, Reguladora das bases do Réxime local (LBRL).*
- *Lei 33/2003, de 3 de novembro, do Patrimonio das Administracións Públicas.*
- *Lei 5/1997, de 22 de xullo, de Administración local de Galicia (LALG).*
- *RD-Lei 781/1986, de 18 de abril, Texto Refundido das Disposicións legais vixentes en materia de Réxime Local (TRRL).*
- *RD 1372/1986, de 13 de xuño, Regulamento de Bens das Entidades Locais (RBEL).*

ANTECEDENTES:

Primeiro.- Polos servizos técnicos municipais comprobouse a realización de obras de adoquinado no Parque do Castro, a altura do nº 52 do Paseo Cronista Alvarez Blázquez, co fin de facer unha entrada de acceso a vehículos a dita propiedade.

Segundo.- Na instrucción do expediente foron emitidos os seguintes informes polos servizos municipais correspondentes:

- *Arquitecto da Unidade de Patrimonio en data 06.06.2006, 27.10.2006, 12.02.2007 e 29.06.2007. sobre as obras executadas.*
- *Topógrafo Municipal da Xerencia de Urbanismo en data 16.01.2007 e 20.04.2007., sobre o deslinde da propiedade municipal e da zona ocupada.*
- *Enxeñeiro Municipal de Montes en data 21.06.2007. informa sobre a posibilidade de ampliación da servidume de acceso á vivenda, manifestando non existir inconveniente.*
- *Servizo de Mobilidade, Transportes e Seguridade en data 23.10.2007. respecto á entrada de carruaxes.*

Terceiro.- Dado trámite de audiencia a D. Eduardo Castro Garcia, en relación ás actuacións practicadas referente ás obras executadas, formulase por este alegacións en data 05.06.2007 manifestando ter efectuado as obras de adoquinado a altura do nº 52 do Paseo Cronista Alvarez Blazquez, estimandoo imprescindible para a saída de vehículos dende a súa propiedade, polo que solicita a ampliación aos 5 metros da servidume constituída no seu día a prol de dita finca.

FUNDAMENTOS XURÍDICOS:

Primeiro.- O Parque do Castro consta de titularidade municipal baixo o número de propiedade 000179 no Inventario Municipal de Bens e Dereitos aprobado por acordo Plenario de 4 de maio de 1993, e coa natureza xurídica de ben de dominio público afecto ao servizo público.

A Comisión Municipal Permanente deste Excmo. Concello, en sesión de 16 de xaneiro de 1964, prestou conformidade á solicitude de establecemento dunha servidume de paso, en terreos municipais do Parque do Castro a favor da parcela de D. Anastasio Alvarez Rodríguez nunha superficie de 7,90 metros de longo por 3 metros de ancho. Servidume constituída en escritura pública do 31 de decembro de 1973, autorizada polo Notario D. Alfonso Leirós Fernández, co nº 3.967 do seu protocolo.

Segundo.- O servizo municipal de Montes, Parque e Xardíns, informa favorablemente a solicitude do interesado da ampliación da servidume de paso constituída sobre a propiedade municipal. Non obstante, tendo en conta a natureza xurídica do ben municipal que resulta afectado e os fins para o que solicitase (facilitar a manobra de

saída dos vehículos da finca, estimando imprescindible que o ancho da entrada teña 5 metros para posibilitar a súa realización cunha maior visibilidade), procede sinalar que podéndose dar cumprimento á dita finalidade de uso mediante o outorgamento dunha autorización administrativa de aproveitamento especial ou privativo do dominio público, é innecesario o establecemento dun maior gravame sobre a propiedade pública, ampliando a servidume de paso xa constituída, nunha longura de 2 metros ata os 5 solicitados.

A ocupación do terreo municipal mediante a colocación dunha rampa de acceso á parcela particular, implica un aproveitamento especial do dominio público, configurado como aquél que sen impedir o uso común, supón a concorrencia de circunstancias tales como a peligrosidade ou intensidade do mesmo, ou obtención dunha rentabilidade singular sobre o uso que corresponde a todos ou un menoscabo deste. (artigos 85 LPAP e 75 RBEL).

É regra xeral no noso dereito a necesidade de título habilitante, outorgado pola autoridade competente, para a ocupación do dominio público ou para a súa utilización en forma que exceda o dereito de uso que corresponde a todos (artigo 84 LPAP), como acontece no presente caso.

Terceiro.- O órgano competente para o outorgamento da presente autorización é a Xunta de Goberno Local, en virtude do disposto no o artigo 127.1.f da LBRL, que lle atribúe a xestión do patrimonio.

Polo anteriormente exposto, PROPÓNSE Á XUNTA DE GOBERNO LOCAL, en uso das atribucións que lle confire a lexislación vixente, a adopción do seguinte acordo:

“Primeiro.- Autorizar a SLINK SL (Eduardo Castro Garcia) a ocupación do dominio público coa realización dunha rampa no Parque do Castro a altura da propiedade nº 52 do Paseo Cronista Alvarez Blazquez, de acordo e con sometemento ás seguintes condicións xurídicas e técnicas:

1. A autorización comprende exclusivamente o dereito á ocupación, mediante a realización dunha rampa, da franxa de terreo dunha superficie de 15,80 m² (2,00 x 97,90) a altura do nº 52 do Paseo Cronista Alvarez Blazquez, reflectida no plano escala 1/250 do topógrafo municipal de 20.04.2007, e colindante coa servidume de paso xa existente.
2. A rampa utilizaráse exclusivamente para o acceso de vehículos a propiedade nº 52 do Paseo Cronista Alvarez Blazquez, con exclusión expresa de calquera outro uso ou fin. Non podendo ocuparse con ningún elemento físico nin proceder ao seu peche..
3. A presente autorización queda condicionada ao outorgamento da correspondente licenza para entrada de vehículos ao devandito inmóbel, e suxeita ao aboamento das taxas correspondentes por aproveitamento especial do dominio público, e o seu réxime xurídico no non previsto expresamente pola presente.
4. A execución da rampa será por conta do autorizado, quedando de propiedade do Concello unha vez extinguida a presente autorización e sen dereito a indemnización ou contraprestación económica algunha a prol deste.
A súa execución como os materiais a empregar, efectuarase baixo a supervisión e conformidade do Servizo Municipal de Parques e Xardíns.
5. A instalación deberá estar en perfecto estado de conservación, procedéndose a reparación ou substitución da mesma en caso contrario. Todos os gastos de mantemento e conservación corresponderánlle ao autorizado.
6. O Excmo. Concello de Vigo resérvase a facultade de inspeccionar o estado da rampa e a súa utilización da mesma aos fins autorizados. Se con motivo da inspección se observase calquera anomalía porase esta circunstancia en coñecemento do solicitante para que proceda a súa subsanación no prazo concedido ao efecto, procedéndose en caso contrario a revocación da autorización.
7. A presente autorización non será transmisíbel a terceiros, nin susceptíbel de ser gravada con carga ningunha.

8. *A autorización extinguirase pola concorrencia dalgunha das seguintes causas:*

- a) *A extinción da licencia municipal para entrada de vehículos ao que resulta vencellada.*
- b) *Renuncia do autorizado.*
- c) *Incumprimento dos fins ou actividades para os que foi autorizada.*
- d) *Incumprimento das condicións nas que foi outorgada a autorización.*
- e) *Revocación unilateral por parte do Concello de Vigo, cando así o requiran motivos de interese público municipal, sen xerar dereito a indemnización, o que deberá comunicarse ao autorizado cunha antelación mínima de tres meses.*

9. *Extinguida por calquera das causas previstas a autorización, o autorizado procederá, se así se lle require, á retirada da rampa, correndo os gastos a cargo do mesmo, e debendo repoñer o dominio público municipal ao seu estado orixinal.*

Segundo.- Notificar a presente ao interesado e servizos municipais correspondentes.”.

Acordo

A Xunta de Goberno local aproba a proposta contida no precedente informe.

14(2102).- REVISIÓN DE PREZOS DO CONTRATO DE PRESTACIÓN DA ASISTENCIA DE COLABORACIÓN NA XESTIÓN CATASTRAL DELEGADA DO CONCELLO DE VIGO. EXPTE. 528/500.

Examinadas as actuacións do expediente e de acordo co informe-proposta da técnica de Admón. Expecial, do 1.10.07, conformado polo concelleiro delegado de Cotratación e polo interventor xeral, a Xunta de Goberno local acorda:

Primeiro.- Aprobar a revisión do prezo do contrato do Lote A, do concurso convocado para a contratación da prestación da asistencia técnica para a colaboración na Xestión catastral delegada no Concello de Vigo, adxudicado a Longo, Ansa, asociados, S.L., pola Xunta de Goberno Local en sesión de 5 de xuño de 2006, fixando os importes dos prezos unitarios revisados, nos importes seguintes:

a) Por tamitación de 901.

- Sen requerimento de documentación complementaria por unidade urbana 8,86 euros (IVE engadido).
- Con requerimento de documentación complementaria por unidade urbana 12,50 euros (IVA engadido).

b) Por tramitación de 902.

- En parcelas de ata 10 unidades urbanas, por cada unidade 55,23 euros (IVA engadido).
- En parcelas de mais de 10 unidades urbanas, por cada unidade 10,84 euros (IVA incluído).

c) por cada notificación realizada:

- Notificadas no prazo de 60 días e entregadas no servizo de xestión Catastral delegada do Concello de Vigo antes dos 70 días será de 2,81 euros (IVA incluído). Supostos 7.1, 7.2, 7.3, e 7.4 do apartado 7 da cláusula II do prego de condicións técnicas.

- Entregadas antes dos 70 días será de 1,48 euros (IVA incluído), supostos 7.5 e 7.6 da cláusula II do prego de condicións técnicas.

- Entregadas con posterioridad :

0,94 euros (IVA incluído)as dos supostos 7.1, 7.2, 7.3 e 7.4 da cláusula II do prego de condicións técnicas.

0,48 euros (IVA incluído) as dos supostos 7.5 e 7.6 da cláusula II do prego de condicións técnicas.

As que deben ser notificadas por correo por serén de fora do municipio pagaranse a 3,02 euros IVA incluído.

Dado que o contrato administrativa ten data de de 16 de xuño de 2006, os efectos da revisión comenzarán o 17 de xuño de 2007.

Segundo.- Aprobar a revisión de prezos do LOTE B do contrato de prestación da asistencia de colaboración na xestión catastral delegada do Concello de Vigo, adxudicado a Santiago Cucart S.L., por acordo da Xunta de Goberno local de data de 5 de xuño de 2006, fixando os prezos revisados nos seguintes importes:

a) Por tramitación de 901:

- Sen requerimento de documentación complementaria por unidade urbana 8,75 euros (IVE incluídos).
- Con requerimento de documentación complementaria por unidade urbana 12,30 euros (IVE incluído).

b) por tramitación de 902.

- En parcela de ata 10 unidades urbanas, por cada unidade 54,18 euros (IVE incluído).
- En parcelas de mais de 10 unidades urbanas, por cada unidade urbana que exceda de dez, 40,64 euros.

c) por cada notificación realizada:

- Notificadas no praza de 60 días e entregadas no servizo de Xestión catastral delegada do Concello de Vigo antes dos 70 días será de 2,71 euros (IVE engadido). Supostos 7.1, 7.2, 7.3 e 7.4 do apartado 7 da cláusula II do prego de condicións técnicas.
- Entregadas antes dos 70 días no Servizo de Xestión catastraldelegada do Concello pero dos supostos 7.5 e 7.6: 1,46 euros (IVA engadido).
- Entregadas con posterioridad:

0,94 euros (IVA incluído) as dos supostos 7.1, 7.2, 7.3 e 7.4 da cláusula II do prego de condicións técnicas.

0,47 euros (IVA incluído), as dos supostos 7.5 e 7.6 da cláusula II do prego de condicións técnicas.

As que deben ser notificadas por correo por seren de fora do municipio pagaranse a 3,13 euros (IVE engadido).

Dado que a data do contrato administrativo e de 22 de xuño de 2006 os efectos da revisión comenzarán a computar dende o 23 de xuño de 2007.

Terceiro.- o prezo total do concurso quedará revisado, fixando o mesmo no importe de 304.264,00 euros. Prezo lote A) 152.132,00 euros e prezo lote B) 152.132,00 euros.

15(2103).- PROXECTO DE CONVENIO DE COLABORACIÓN PARA O FINANCIAMENTO DA FUNDACIÓN LISTE-MUSEO ETNOGRÁFICO DE VIGO NO ANO 2007. EXPTE.3817/307.

Examinadas as actuacións, visto o informe xurídico de data 28.05.07, e de acordo co informe-proposta da xefa de Patrimonio Histórico, do 17.09.07, conformado pola delegada da Área de Patrimonio Histórico e polo interventor xeral, a Xunta de Goberno local acorda:

1º.- Aprobar o texto do Convenio de colaboración para o financiamento da Fundación Liste – Museo Etnográfico de Vigo no ano 2007.

2º.- Aprobar o gasto de 96.162 euros, con cargo á partida 4531.4890000 do vixente orzamento xeral do Concello, cantidade correspondente á aportación económica municipal a dito Convenio.

CONVENIO DE COLABORACIÓN PARA O FINANCIAMENTO DA FUNDACIÓN

LISTE-MUSEO ETNOGRÁFICO DE VIGO ANO 2007

Vigo, a de de 2007

REUNIDOS

Dunha parte, D. Santiago Domínguez Olveira, Tenente Alcalde do Concello de Vigo, en representación do mesmo.

E doutra, D. Olimpio Liste Regueiro, presidente da Fundación Liste-Museo Etnográfico de Vigo, en representación da mesma.

EXPOÑEN

Que a Fundación Liste-Museo Etnográfico de Vigo conta, conforme á súa Acta Fundacional, como Fundadores ó Concello de Vigo e a D. Olimpio Liste Regueiro e a súa esposa Dña. Josefina Fernández Mosquera.

Que dita Fundación foi clasificada de Interese Cultural por Orde da Consellería da Presidencia e Administración Pública de 1 de setembro de 1999, e declarada de Interese galego pola Consellería de Cultura, Comunicación Social e Turismo, o 18 de outubro de 1999.

Que as súas finalidades prioritarias son a promoción e difusión do Patrimonio etnográfico galego e a xestión do Museo Etnográfico de Vigo, e para o seu cumprimento, o 17 de novembro de 2000 asinou entre o Concello de Vigo e a Fundación un convenio-marco no que se comprometía unha aportación económica anual do Concello de Vigo á Fundación ata fins de 2003 de xeito que se garantizaba o seu normal funcionamento.

Que dende aquela data ata hoxe véñse desenvolvendo con normalidade a actividade da Fundación e do Museo Etnográfico Liste de Vigo, que se sitúa nunha edificación de propiedade municipal cedida temporalmente á Fundación, situada na rúa Pastora, 22.

Que dende o seu inicio, a Fundación ven conquerido distintas aportacións económicas doutras entidades públicas e privadas, aínda que o soporte económico procedente do Concello de Vigo segue a ser vital para o cumprimento das súas finalidades e o desenvolvemento do proxecto cultural que representa.

Que o texto do Convenio de 2006 prevía na súa cláusula sétima a súa prórroga, renovación ou modificación a partir do remate do ano 2006, por acordo expreso entre as partes asinantes, e rematado o período de compromiso recollido naquel Convenio, ámbalas partes entenden a conveniencia de renovar o acordo-marco.

Polo exposto, as partes acordan subscribir o presente de acordo coas seguintes

CLÁUSULAS

Primeira. OBXECTO.

O obxecto do presente convenio consiste en garantir o normal funcionamento da Fundación Liste – Museo Etnográfico de Vigo, a través da aportación económica do Concello de Vigo.

Segunda. CUSTO E FINANCIAMENTO.

O importe da aportación municipal será de 96.162 euros.

O financiamento farase con cargo á partida de gastos 4531.4890000 “Aportación á Fundación Liste – Museo Etnográfico de Vigo” do Servizo de Patrimonio Histórico no orzamento de 2007.

Terceira. OBRIGAS DA FUNDACIÓN.

- Cumprir coas finalidades fundacionais recollidas estatutariamente e realizar as xestións, actuacións e programas previstos nos seus orzamentos anuais.
- Establecer a entrada gratuíta ó Museo Etnográfico Liste de Vigo para as asociacións da terceira idade, do Concello de Vigo, así como para os grupos de escolares procedentes de Centros educativos do termo municipal de Vigo.
- Colaborar co Concello de Vigo no establecemento de mecanismos de coordinación no ámbito da protección, conservación e difusión do Patrimonio Etnográfico.
- Participar na Comisión de Seguimento recollida na cláusula quinta deste Convenio.

Cuarta. OBRIGAS DO CONCELLO.

- Aportar á Fundación a cantidade recollida na cláusula segunda deste convenio.
- Colaborar coa Fundación no desenvolvemento dos seus fins e obxectivos, especialmente fomentando a colaboración cos servizos e equipamentos municipais relacionados coa etnografía.
- Participar na Comisión de Seguimento recollida na cláusula quinta deste Convenio.

Quinta. COMISIÓN DE SEGUIMIENTO.

Para o seguimento deste convenio, así como para a resolución das dificultades que poidan xurdir no desenvolvemento do mesmo, constituirase unha Comisión de Seguimento, que estará composta a partes iguais por persoas designadas polo Concello e pola Fundación.

As características desta Comisión son as seguintes:

- Servir de comisión de seguimento do cumprimento do estipulado neste Convenio.
- Establecer mecanismos de coordinación coas entidades que traballan no ámbito da protección, conservación e difusión do Patrimonio Etnográfico, e moi en especial co Centro de Artesanía Tradicional e a Casa do Cesteiro, equipamentos municipais encargados da promoción, divulgación e investigación dos oficios tradicionais de Galicia.
- Propoñer ós órganos que correspondan do Concello de Vigo e ó Patronato da Fundación novas iniciativas no eido da protección, conservación e difusión do patrimonio etnográfico.

Sexta. PAGAMENTO E XUSTIFICACIÓN.

O pagamento farase do xeito seguinte:

- O 50% do importe total (48.081 euros) á sinatura do convenio, para facer fronte ós gastos xerados polo normal funcionamento da Fundación Liste – Museo Etnográfico de Vigo, obxecto do presente convenio, e previa certificación favorable do Servizo de Patrimonio Histórico do Concello.*
- O 50% restante (48.081 euros), unha vez presentado o documento fidedigno da aprobación da liquidación dos orzamentos da Fundación do ano 2006, así como o documento de aprobación dos seus orzamentos de 2007 e documentación acreditativa da presentación destes dous documentos perante dos órganos competentes en materia de Fundacións de Interese Galego da Xunta de Galicia.*

A xustificación desta subvención por parte da Fundación deberá comprender a documentación que xustifique os gastos efectuados con cargo á mesma, así como unha memoria das actividades realizadas, de acordo co disposto no artigo 30 da Lei 38/2003, de 17 de novembro, Xeral de Subvencións .

Esta documentación deberá presentarse no prazo máximo de tres meses, a contar dende a data de finalización do prazo para a realización da actividade subvencionada.

O Servizo de Patrimonio Histórico será o encargado de certificar a adecuada xustificación da subvención, así como o cumprimento da finalidade que determinou a súa concesión.

Sétima. VIXENCIA

O presente Convenio terá vixencia ata o 31 de decembro de 2007, aínda que pode ser prorrogable, renovable ou modificable no seu contido, duración e contía, por acordo expreso entre as partes asinantes, a partir do remate do ano 2007.

Oitava. RÉXIME XURÍDICO

Serán de aplicación ó presente convenio as normas contidas na Lei 38/2003 Xeral de Subvencións, sobre causas de invalidez do convenio (artigo 36), causas e réxime de reintegro das subvencións (artigo 37), réxime de infraccións e sancións en materia de subvencións e, en xeral, con carácter pleno ou supletorio, de acordo coa Disposición Final Primeira da Lei 38/2003, no non previsto no convenio, as restantes normas da Lei Xeral de Subvencións, as restantes normas de dereito administrativo e, no seu defecto, as normas de dereito privado.

Estando de acordo ámbalas dúas partes co anteriormente manifestado, asinan o presente convenio no lugar e datas indicadas no encabezamento.

16(2104).- INDEMNIZACIÓN POR XUBILACIÓN ANTICIPADA DO FUNCIONARIO LABORAL (OFICIAL DESINFECTOR) D. RICARDO GONZÁLEZ ARZÚA. EXPTE. 17765/220.

Examinadas as actuacións do expediente e de acordo co informe-proposta da xefa de negociado de Seguridade Social, do 10.10.07, conformado pola xefa de Réxime Interior, a Xunta de Goberno local acorda:

Aboar a D. Ricargo González Arzúa (provisto del DNI nº 35808829-Z y nº 11914), a cantidade de nueve mil quince euros (9.015 €), por terse xubilado anticipadamente ós 60 anos e en execución do Acordo Regulador das Condicións de Traballo do Persoal Municipal.

17(2105).- CONVOCATORIA PARA CUBRIR POLO SISTEMA DE LIBRE DESIGNACIÓN O POSTO DE XEFE DO SERVIZO DE FISCALIZACIÓN. EXPTE. 17877/220.

Examinadas a actuacións do expediente e de acordo co informe-proposta da xefa da Área de Réxime

Interior, do 22.11.07, conformado polo interventor xeral, a Xunta de Goberno local acorda:

Primeiro.- Aprobar a convocatoria para cubrir, polo sistema de libre designación, o posto de traballo de Xefe Servizo Fiscalización, vacante na vixente relación de postos de traballo.

Segundo.- Poderán concorrer a ela os/as funcionarios/as de carreira das distintas Administracións públicas , encadrados tanto no ámbito de aplicación da Lei 30/84, de medidas para a reforma da función pública, como no ámbito de aplicación da lei autonómica 4/88 da función pública de Galicia , sempre que reúnan as condicións que para este posto se sinalan no anexo I.

Terceiro.- As solicitudes para participar na presente convocatoria presentaránse no rexistro xeral do Concello de Vigo ou nas oficinas previstas no artigo 38.4º da Lei 30/92 de 26 de novembro de réxime xurídico das administracións públicas e procedemento administrativo común, no prazo de 15 días hábiles a partir do seguinte a aquel no que apareza o anuncio da convocatoria no Diario Oficial de Galicia , segundo modelo que se inclúe no anexo II (que consta no expediente).

O texto íntegro das presentes Bases será publicado no Boletín Oficial da Provincia de Pontevedra .

Cuarto.- Os/as aspirantes deberán xuntar á petición un currículum vitae e xustificar, mediante certificación ou copia compulsada , os méritos que alegan.

Quinto.- No caso de que resulten seleccionados/as para ocupa-lo postos de traballo funcionarios/as con destino noutra administración pública, requirírase o informe favorable do departamento onde presten servizo, considerándose neste sentido de non emitirse no prazo de 15 días segundo o disposto no artigo 67 do RD 364/95, de 10 de marzo.

Sexto- A resolución desta convocatoria farase pública no Boletín Oficial da Provincia de Pontevedra e poderá declararse deserta de considerase oportuno.

Septimo.- O prazo de toma de posesión será de tres días hábiles, se o destino anterior radica na mesma localidade que a do novo destino, e dun mes, se radica en localidade distinta ou comporta o reingreso ó servizo activo do/a funcionario/a. Este prazo empezará a contar a partir do día seguinte ó do cesamento, que deberá producirse dentro dos cinco días hábiles seguintes ó da publicación da resolución no Boletín Oficial da Provincia.

Se a resolución comporta o reingreso ó servizo activo do funcionario/a, o prazo de toma de posesión comenza a contar dende o día seguinte ó da publicación da resolución.

Oitavo- Contra a presente Resolución, que pon fin á vía administrativa , os interesados poderán interpoñer potestativamente recurso de reposición perante a Xunta de Goberno local , no prazo dun mes contado desde o día seguinte ó da súa publicación no BOP, ou poderán interpoñer directamente recurso contencioso administrativo no prazo de dous meses contados a partir da mesma data, segundo o establecido na lei 29/98, de 13 de xullo, reguladora da xurisdicción contencioso administrativa.

ANEXO I

CARACTERÍSTICAS DO POSTO.

DENOMINACIÓN: Xefe do servizo de fiscalización

ESCALA : Administración xeral / Administración especial .

SUBESCALA: Técnica

GRUPO DE TITULACION: A.

TIPO DE POSTO: singularizado.

NIVEL COMPLEMENTO DE DESTINO: 28.

COMPLEMENTO ESPECIFICO : 1.993,07 €/mes.

AREA Á QUE ESTA ADSCRITO : Intervención xeral.

FORMA DE PROVISION DO POSTO: Libre designación.

REQUISITOS NECESARIOS PARA O SEU DESEMPEÑO.

TITULACION ESIXIDA: Licenciado en Dereito.

FORMACION ESPECIFICA : Na apreciación dos méritos, terásese en especial consideración a debida acreditación de experiencia e coñecementos relacionados coas distintas areas ou materias obxecto de fiscalización interna

REQUISITOS INDISPENSABLES ESIXIDOS:

- Ser funcionario de carreira encadrado no ámbito de aplicación da Lei 7/2207, do 12 de abril, do Estatuto Básico do Empregado Público, con praza en propiedade no grupo de titulación esixido (A) e dentro das escalas de Administración xeral ou Administración especial.
- Ter desempeñado durante dous (2) anos consecutivos ou tres (3) fraccionados, un posto de traballo de xefatura de servizo ou equivalente de nivel 26 (acreditado fehacientemente), na Administración local, autonómica ou estatal ou nos correspondentes organismos públicos dependentes de cada unha delas. No caso de terse desempeñado dito posto en Entidades locais, deberán ser Diputacións Provinciais, Capitais de Provincia ou Concellos con poboación superior a 50.000 habitantes.

18(2106).- APROBACIÓN INICIAL DO PROXECTO DE URBANIZACIÓN POLÍGONO 3 DO PERI IV-01 SAN ROQUE A. EXPTE. 4719/401.

Examinadas as actuacións do expediente, dáse conta do informe-proposta de data 14.11.07, asinado polo técnico de Admón. Xeral, o xefe da Oficina de Planeamento e Xestión e o director dos Servizos Técnicos, que di o seguinte:

O 29.07.02 o Pleno do Concello de Vigo acordou a aprobación definitiva da modificación puntual número 23 do vixente Plan Xeral de Ordenación Urbana (extpe 6527/411).

En data 28.07.04 por acordo plenario se deu aprobación definitiva o PERI IV-01 San Roque (expte. 8159/411) cuxo punto segundo da parte dispositiva dispuña o seguinte: "(...) Aprobar definitivamente o "PERI IV-01-San Roque A", de iniciativa municipal, redactado pola Oficina de Planeamento da Xerencia de Urbanismo, na súa última versión, de maio de 2004, coa simultánea delimitación de polígonos e áreas de normalización de fincas e fixación de sistemas de actuación contida no mesmo (...)"

A Xunta de goberno local o 24.10.05 deu aprobación á constitución da Xunta de compensación do polígono 3 do PERI IV 01 San Roque.

No expediente 4783/401 consta a aprobación inicial do proxecto de compensación.

En data 4.12.06 don Miguel Ángel Revenga Monforte, como Presidente da Xunta de compensación, presentou documentación técnica do proxecto de urbanización, solicitando a tramitación do mesmo.

Constan no expediente os seguintes informes:

- *Montes, Parques e Xardíns de 4.04.07.*
- *Alumeado Público de 15.05.07.*
- *Electromecánicos (rede de gas e contenerización soterrada) de 15.05.07.*

O enxeñeiro técnico de obras públicas o 4.12.06 informou o seguinte: "(...) En data 4 de decembro de 2006, D. Muguel Angel Revenga López en representación da Xunta de compensación POLIGONO 3 del peri IV-01 SAN ROQUE., presenta para a súa tramitación o proxecto de urbanización POLIGONO 3 del peri IV-01 SAN ROQUE e desenrola as previsións do PERI IV-01 SAN ROQUE A(Exp 8159/411), aprobado definitivamente o 28 de xuño do 2004. Este proxecto foi redactado polo Enxeñeiro de Camiños C. e P. Alberto Moreno García e o arquitecto Jose Antonio Comesaña García, con sucesivos visados de fechas 10 de maio do 2006, 2 de maio do 2007 e 28 de xuño do 2007, unha vez introducidos os axustes solicitados.Os efectos fiscales que corresponda, O Orzamento de Execución Material ascende a cantidade de 575.446,54 € polo que dacordo co apartado 3.8.1.2i das vixentes NN.UU., deberán presentar un Aval polo 100% a aprobación definitiva. A unidade de actuación ten unha superficie total de 8217 m2, correspondendo 2671,86 m2 a rúa peonil e rampas, 100 m de frente a rúa Vazquez Varela(20,50m de ancho) e 2.110 m2 a zonas verdes. Dita urbanización está composta por unha rúa peonil perpendicular a vazquez varela,esta rúa comenza con escaleiras par salvar o desnível, por iso tamen existe un itinerario adaptado a base de rampas que descorre paralelamente,unha zona verde con sendeiros peunís e o resto correponde a edificacións existentes e proxectadas. A urbanización dispoñe de todos os servizos urbanísticos habituais; rede de pluviais, saneamento, abastecemento e rega, alumado público,rede de gas, comunicacións e mobiliario urban e dispositivos para instalación de colectores subterráneos de lixo. Cabe lembrar que como xa menciona o PERI, a infraestrutura de saneamento existente no urbano consolidado do entorno, o cal debe recibir a totalidade dos efluentes, tanto fecais como pluviais, non ten carácter separativo e non ten capacidade hidráulica para absorber ditos caudais, refírese as rúas Pizarro e Vazquez Varela, estando o colector de esta última rúa en un estado crítico. O proxecto cumpre coas vixentes NN.UU., cos artigos 67 ao 70 do RPU, e co decreto 35/2000 de accesibilidade. Adxuntanse os informes favorables dos servizos de Electromecánicos e Montes, Parques e Xardíns. O comenzo das obras terá que ser posto en coñecemento do coordinador da area de servizos par aefectuar o seguimento das mesmas e coordinar os diversos departamentos municipais que vaian ter competencia unha vez sexan entregadas. O solicitar a recepción das mesmas facilitarase o realmente executado en soporte informático. A dirección facultativa das obras estará obrigada a entregar a inspección municipal das obras aqueles ensaios e/ou documentos que avalen a idoneidade das unidades que por aquela fosen considerados necesarios, conforme o prego de prescripcións técnicas. O acordo de aprobación inicial, así como o periodo de exposición o público notificarase as empresas Unión Fenosa, Aqualia e as de comunicacións, ademais dos propietarios dos terrenos incluídos no ámbito do proxecto, entre os cuais atopase o Concello de Vigo (...)"

FUNDAMENTOS XURÍDICOS

- *Procedemento de aprobación do proxecto de urbanización.- A Lei 9/02, de 30 de decembro, de ordenación urbanística e protección do medio rural de Galicia, no apartado 4º do artigo 110, describe o procedemento de aprobación dun proxecto de urbanización. Deberanse aprobar inicialmente pola Xunta de Goberno Local (127.1.e da Lei 7/85, de 2 de abril, reguladora das bases de réxime local), someterse a información pública polo prazo mínimo de vinte días e proceder á aprobación definitiva coas modificacións que resulten pertinentes. Así mesmo no anuncio se fará referencia a que se acumula o trámite de información pública previsto no artigo 4º do Decreto 2107/68, de 16 de agosto, polo que se regula a aplicación do regulamento de actividades molestas, insalubres, nocivas e perigosas nas zonas de dominio público e sobre actividades executables directamente por órganos oficiais (BOE 20 setembro, corrección 8 outubro).*
- *Sistema de actuación elixido para a execución do polígono- Según consta nos antecedentes, o sistema de execución elixido é o de compensación. A entidade urbanística colaboradora asume a obriga de urbanización. De acordo co establecido no artigo 110.6 da Lei 9/02 e o plan xeral vixente, os propietarios deberán asumir a obriga de conservación da urbanización. Por outra parte, tendo en conta o establecido no artigo 133 do mesmo texto legal, a contratación das obras de urbanización realizarase sempre de acordo cos principios de publicidade e concurrencia.*
- *Contido do proxecto de urbanización.- Según o artigo 110 da Lei 9/02 os proxectos de urbanización son proxectos de obras que teñen por finalidade executar os servizos e dotacións establecidas no planeamento (...) non poderán modificar as previsións do planeamento que desenvolven, sen prexuízo de que poidan efectuar as adaptacións esixidas pola execución material das obras. Según os informes contidos no expediente, o proxecto de urbanización axústase a normativa actualmente en vigor. Por outra parte, tendo*

en conta os informes técnicos, o proxecto cumpre o disposto na Lei 8/97, de 20 de agosto e o Decreto 35/2000, de accesibilidade.

- *Incidencia da execución do proxecto de urbanización no Medio Ambiente.- A Lei 6/07, de 11 de maio, de medidas urxentes en materia de ordenación do territorio e do litoral de Galicia (de trasposición parcial da Lei 9/06, de 28 de abril, sobre avaliación dos efectos de determinados plans e programas), exclúe que sexan obxecto de avaliación estratéxica os proxectos de urbanización. Non obstante, de acordo co establecido na Lei 10/95, de protección ambiental de Galicia e o artigo 2º do Decreto 2183/68, de 16 de agosto, se deberá dar conta do presente acordo á Delegación provincial da Consellería de Medio Ambiente e Desenvolvemento Sostible.*
- *Órgano competente para a adopción do acordo de incoación e resolución do expediente.- Dada a redacción do artigo 127.1.k da Lei 7/85, a competencia para a aprobación do presente acordo corresponde á Xunta de Goberno Local.*

Polo tanto, propóñese a adopción do seguinte acordo:

1. *Aprobar inicialmente o proxecto de urbanización do “Polígono III do PERI IV 01 San Roque”, elaborado polo enxeñeiro de camiños canais e portos don Alberto Moreno García e o arquitecto don José Antonio Comesaña García, con visados de 10.05.06, 2.05.07 e 28.06.07.*
2. *De acordo co previsto no punto 4º do artigo 110 da Lei 9/02, de 30 de decembro e o artigo 4º do D. 2107/68, de 16 de agosto, abrir un trámite de información pública polo prazo de vinte días hábiles, mediante publicación de anuncios no BOP e nun diario dos de maior circulación na Provincia. Notifíquese o contido íntegro deste acordo ós propietarios do terreo xunto cunha copia dos informes técnicos obrantes no expediente. Notifíquese tamén ás entidades concesionarias de servizos públicos e infraestructuras de telecomunicacións. Dese cumprimento o previsto no punto 4º do presente informe.*

Acordo

A Xunta de Goberno local aproba a proposta contida no precedente informe.

19(2107).- APROBACIÓN INICIAL DO PROXECTO DE URBANIZACIÓN DO PLAN PARCIAL GANDARIÑA. EXPTE. 4752/401.

Examinadas as actuacións do expediente, dáse conta do informe-proposta de data 15.11.07, asinado polo técnico de Admón. Xeral, o xefe da Oficia de Planeamento e Xestión e o director dos Servizos Técnicos, que di o seguinte:

O 29.01.07 o Pleno do Concello de Vigo acordou a aprobación definitiva do Plan Parcial de Gandariña (expte. 7733/411).

En data 9.07.07 a Xunta de goberno local adoptou o seguinte acordo: “(...) PRIMEIRO: Aplicar á xestión do sector correspondente o “Plan Parcial de Gandariña” o modelo xeral de Estatutos e Bases de Actuación aprobado polo Consello da Xerencia Municipal de Urbanismo no 11.12.2003 (BOP núm. 1, do 02/01/2004). SEGUNDO: Aproba-la constitución da Xunta de Compensación do devandito polígono, efectuada por escritura de 8.05.07 ante o Notario do ilustre. Colexio de Galicia, don José Riol Pérez (protocolo número 1433). Así mesmo, requirir dos órganos rectores da Xunta de Compensación para que procedan á práctica da nota marxinal descrita no artigo 5º do rd 1093/97, de 4 de xullo (...)”.

O 25.05.07 don Juan Manuel Pérez Pamies presentou no Rexistro da Xerencia municipal de urbanismo documentación técnica do proxecto de urbanización para a súa tramitación e aprobación.

Consta no expediente o informe sobre o alumeado público emitido polo servizo de electromecánicos de 9.08.07.

Así mesmo, o Ministerio de Fomento informou desfavorablemente a proposta de proxecto de urbanización nos

seguintes aspectos: “(...) Las conducciones subterráneas –art. 94 del Reglamento-; - El diseño de los sistemas de recogida y evacuación de aguas. Asimismo, en los planos presentados, se observa una obra de drenaje a ejecutar que invadiría el dominio público y la propia plataforma de la autovía A-52, lo que también incumple el art. 94 del Reglamento General de Carreteras. Se recuerda, además, que todos los proyectos de accesos presentados tanto por particulares como por organismos públicos junto con la preceptiva solicitud de autorización para la realización de las correspondientes obras, deberán ser suscritos por un Ingeniero de Caminos, Canales y Puertos o por un Ingeniero de Obras Públicas de acuerdo con sus respectivas competencias y visados por el colegio profesional correspondiente, teniendo en cuenta en la redacción de los mismos todas las normas, instrucciones y recomendaciones de carácter técnico que se encuentren vigentes en la Dirección General de Carreteras, así como las específicas que para cada caso se establecen en la <OM de 16 de diciembre de 1997, por la que se regulan los accesos a las carreteras del Estado, vías de servicio y construcción de instalaciones de servicio (...)”.

O enxeñeiro de obras públicas da oficina de planeamento e xestión, informa o seguinte: “(...)En data 25 de maio de 2007, Juan Manuel Pérez Paines en nome da Xunta de compensación do plan parcial GANDARIÑA, presenta para a súa tramitación o proxecto de Urbanización do plan parcial GANDARIÑA, e desenrola as previsións do plan parcial GANDARIÑA (Exp-7733/411), aprobado definitivamente o 20 de setembro de 2004. Este proxecto foi redactado polos arquitectos Alberto Cameselle Lago, Alberto Cominges Molins y Pedro de la Puente Crespo, con visados de fechas 27 de febreiro do 2007 e 1 de agosto de 2007, unha vez introducidos os axustes solicitados. Os efectos fiscais que corresponda, O Orzamento de Execución Material ascende a cantidade de 1.329.299,46 € polo que, dacordo co apartado 3.8.1.2i das vixentes NN.UU., deberán presentar un Aval polo 100% a aprobación definitiva. A unidade de actuación ten unha superficie total de 57.715 m², correspondendo 16.215 m² a vías, 6.300 m² a zonas verdes, 33.960m² a parcelas e 1.240 m² a zonas de equipamentos. A urbanización está formada por dous viais, ambos sensiblemente paralelos a autovía A-55 unidos entre si por dous glorietas, tendo acceso a mesma dende o carril de deceleración(a axecutar) da autovia e dende o vial de acceso o hospital do Meixoeiro. A urbanización dispoñe de todos os servizos urbanísticos habituais; rede de pluviais, saneamento, abastecemento e rega, alumeadado público, comunicacións e mobiliario urbano, así como os dispositivos para a recollida selectiva en superficie. O proxecto cumpre coas vixentes NN.UU., cos artigos 67 ao 70 do RPU, e co decreto 35/2000 de accesibilidade. Adxuntanse os informes favorables dos servizos de Electromecánicos e Montes, Parques e Xardíns. O comezo das obras terá que ser posto en coñecemento do coordinador da área de servizos par aefectuar o seguimento das mesmas e coordinar os diversos departamentos municipais que vaian ter competencia unha vez sexan entregadas. O solicitar a recepción das mesmas facilitarase o realmente executado en soporte informático. A dirección facultativa das obras estará obrigada a entregar a inspección municipal das obras, aqueles ensaios e/ou documentos que avalen a idoneidade das unidades que por aquela fosen considerados necesarios, conforme o prego de prescricións técnicas. O acordo de aprobación inicial, así como o período de exposición o público notificarase as empresas Unión Fenosa, Aqualia e as de comunicacións, ademais dos propietarios dos terrenos incluídos no ámbito do proxecto.

FUNDAMENTOS XURÍDICOS

- *Procedemento de aprobación do proxecto de urbanización.- A Lei 9/02, de 30 de decembro, de ordenación urbanística e protección do medio rural de Galicia, no apartado 4º do artigo 110, describe o procedemento de aprobación dun proxecto de urbanización. Deberanse aprobar inicialmente pola Xunta de Goberno Local (127.1.e da Lei 7/85, de 2 de abril, reguladora das bases de réxime local), someterse a información pública polo prazo mínimo de vinte días e proceder á aprobación definitiva coas modificacións que resulten pertinentes. Así mesmo no anuncio se fará referencia a que se acumula o trámite de información pública previsto no artigo 4º do Decreto 2107/68, de 16 de agosto, polo que se regula a aplicación do regulamento de actividades molestas, insalubres, nocivas e perigosas nas zonas de dominio público e sobre actividades executables directamente por órganos oficiais (BOE 20 setembro, corrección 8 outubro).*
- *Sistema de actuación elixido para a execución do polígono- Según consta nos antecedentes, o sistema de execución elixido é o de compensación. A entidade urbanística colaboradora asume a obriga de urbanización. De acordo co establecido no artigo 110.6 da Lei 9/02 e o plan xeral vixente, os propietarios deberán asumir a obriga de conservación da urbanización. Por outra parte, tendo en conta o establecido no artigo 133 do mesmo texto legal, a contratación das obras de urbanización realizarase sempre de*

acordo cos principios de publicidade e concurrencia.

- *Contido do proxecto de urbanización.- Según o artigo 110 da Lei 9/02 os proxectos de urbanización son proxectos de obras que teñen por finalidade executar os servizos e dotacións establecidas no planeamento (...) non poderán modificar as previsións do planeamento que desenvolven, sen prexuízo de que poidan efectuar as adaptacións esixidas pola execución material das obras. Según os informes contidos no expediente, o proxecto de urbanización axústase a normativa actualmente en vigor. Por outra parte, tendo en conta os informes técnicos, o proxecto cumpre o disposto na Lei 8/97, de 20 de agosto e o Decreto 35/2000, de accesibilidade. Á vista do informe do Ministerio de Fomento, deberá recabarse con carácter previo á aprobación definitiva un informe favorable no que respecta ó informado en setembro do 2007. Así mesmo, deberá achegarse conformidade ou substitución da documentación técnica precisada polo Ministerio de Fomento por un enxeñeiro de camiños, canais e portos (co correspondente visado colexial).*
- *Incidencia da execución do proxecto de urbanización no Medio Ambiente.- A Lei 9/06, de 28 de abril, sobre avaliación dos efectos de determinados plans e programas ó día de hoxe tivo desenvolvemento autonómico pola Lei 6/07, de 11 de maio de medidas urxentes en materia de ordenación do territorio e do litoral de Galicia. No expediente de aprobación do plan parcial de Gandariña, consta informe (31.08.06) da Dirección xeral de calidade ambiental na que se descarta a tramitación da avaliación de impacto ambiental. A falla de contestación da Dirección xeral de desenvolvemento sostible, debe entenderse no sentido de que non se considera que o plan parcial non produza efectos significativos ó Medio Ambiente. Na execución das obras se deberán ter en conta as observacións realizadas pola Dirección xeral de calidade ambiental no seu informe de 31.08.06.*
- *Órgano competente para a adopción do acordo de incoación e resolución do expediente.- Dada a redacción do artigo 127.1.k da Lei 7/85, a competencia para a aprobación do presente acordo corresponde á Xunta de Goberno Local.*

Polo tanto, propóñese a adopción do seguinte acordo:

1. *Aprobar inicialmente o proxecto de urbanización do plan parcial “Gandariña”, elaborado polos arquitectos Alberto Cameselle Lago, Alberto Cominges Molins e Pedro de la Puente Crespo, con visados de datas 27.02.07 e 1.08.07. En todo caso, con anterioridade á aprobación definitiva, se deberá subsanar as deficiencias observadas polo Ministerio de Fomento.*
2. *De acordo co previsto no punto 4º do artigo 110 da Lei 9/02, de 30 de decembro e o artigo 4º do D. 2107/68, de 16 de agosto, abrir un trámite de información pública polo prazo de vinte días hábiles, mediante publicación de anuncios no BOP e nun diario dos de maior circulación na Provincia. Notifíquese o contido íntegro deste acordo ós propietarios do terreo xunto cunha copia dos informes técnicos obrantes no expediente. Notifíquese tamén ás entidades concesionarias de servizos públicos e infraestructuras de telecomunicacións. Por outra parte, dese cumprimento o punto cuarto do presente informe.*

Acordo

A Xunta de Goberno local aproba a proposta contida no precedente informe.

20(2108).- PROPOSTA DE APROBACIÓN PROVISIONAL DE AXUDA PARA A REHABILITACIÓN DA VIVENDA SITA EN RÚA TEÓFILO LLORENTE 69,1º. EXPTE. 347/431.

Examinadas as actuacións do expediente e de acordo co informe-proposta da directora da Oficina de Rehabilitación, de data 12.11.07, conformado polo concelleiro delegado de Cascos Históricos, a Xunta de Goberno local acorda:

PRIMEIRO.- Aprobar provisionalmente o expediente de axuda para a rehabilitación da vivenda do

inmobel localizado en R./ TEÓFILO LLORENTE 69, 1º, a Gerardo Gil Páramos con NIF. 35761665T das obras executadas ao abeiro do Convenio entre a Consellería de Vivenda e Solo e o Concello de Vigo en materia de rehabilitación de edificios e vivendas na Área de Rehabilitación Casco Vello, asinado o 27 de abril de 2006 (7ª Fase).

SEGUNDO.- Conceder ao solicitante, Gerardo Gil Páramos a axuda proposta de 12.000,00 que será financiada polo Ministerio de Fomento en 6.000,00 euros, e pola Consellería de Vivenda e Solo en 6.000,00 euros.

TERCEIRO.- Condicionar o pagamento efectivo da devandita axuda á finalización e recepción municipal das obras, e á previa acreditación de que o gasto se aplicou á súa finalidade mediante os correspondentes documentos xustificativos.

CUARTO.- Notificar este acordo ao interesado, conforme co disposto nos artigos 58 e 59 da L.30/92, de 26 de novembro, de Réxime Xurídico das Administracións Públicas e do procedemento administrativo común (LRX-PAC).

21(2109).- PROPOSTA DE CONCESIÓN DAS SUBVENCÍONS PARA O FOMENTO DE ACTIVIDADES XUVENÍS NO EXERCIZO 2007. EXPTE. 1845/336.

Examinadas as actuacións do expediente, visto o informe de Intervención Xeral, do 12.11.07, e de acordo co informe-proposta da técnico de Xuventude do 18.09.07, conformado pola xefa e pola concelleira do Servizo de Xuventude, a Xunta de Goberno local acorda:

1º- Excluir da lista de admitidos ás seguintes solicitudes polos motivos referidos a continuación:

Asociación Fontenova, CIF:G 36838514, por presentar a proposta de subvención fora do prazo establecido.

Asociación de Síndrome de Down, CIF:G 36697324, por presentar a proposta de subvención fora do prazo establecido.

SCDR Helios, CIF:G 36633428, por non presentar no requerimento de documentación o establecido no apartado 4.1 das bases da presente convocatoria.

Asociación Inclusión, CIF:G 36921898, por non presentar no requerimento de documentación o establecido nos apartados c), i) e j) do apartado 4.1 das bases xerais.

Asociación Beiramar, CIF:G 36634608, por non presentar no requerimento de documentación o establecido no apartado d) do apartado 4.1 das bases xerais.

2º- Conceder unha subvención para as seguintes entidades que a continuación se relacionan coa ponderación correspondente:

ASOCIACIÓN/GRUPO	VALORACIÓN	Puntos	Subvención
Asociación de veciños de Teis CIF: G36646545 Importe do proxecto: 2370€ Solicitud subvención: 1185€ (50%)*	<u>“Cineforum en Teis”</u> Proxecto bastante escaso en fundamentación, claro aínda que escueto en obxectivos e correcto en explicación e desenrolo. Non aparecen reflexados métodos de avaliación da actividade. A actividade non ofrece novidades aínda que posúe interese na actualidade dende un punto de vista medioambiental. Solicitan máis do	6,75	659,39€

	<p>50% establecido como máximo, se sustitúe pola cantidade máxima aceptada.</p> <p>Destaca a consecución de entidades colaboradoras no proxecto.</p> <p>* Aspectos da entidade...1,50</p> <p>* Aspectos do proxecto...4,35</p> <p>* Recursos e financiación...0,90</p>		
<p>Grupo La Tanda</p> <p>Importe do proxecto: 7000€ ano</p> <p>Solicitud de subvención: 1500€</p>	<p><u>“La Tanda”</u></p> <p>Presenta unha boa fundamentación e unha estrutura algo anárquica aínda que desenvolvida con fluidez e claridade.</p> <p>Correcta exposición de obxectivos e actividades e posúe unha presentación destacada que inclúe publicidade a toda cor do proxecto durante a pasada edición.</p> <p>Suliñala súa orixinalidade dentro do panorama de iniciativas xuvenís de Vigo.</p> <p>Así mesmo é destacable a participación exclusivamente xuvenil na idea e na xestión do proxecto.</p> <p>* Aspectos da entidade...2,14</p> <p>* Aspectos do proxecto...5,32</p> <p>* Recursos e financiación...2,60</p>	10,06	982,74€
<p>Asociación Xogais</p> <p>CIF: G36917037</p> <p>Importe do proxecto: 6030€</p> <p>Solicitud de subvención: 3015€</p>	<p><u>“Proxecto interxoves”</u></p> <p>Proxecto ben elaborado e estruturado.</p> <p>A fundamentación é algo escasa. Non obstante presentan un óptimo resumo estrutural e de contidos narrados con claridade. A presentación formal é moi boa en xeral.</p> <p>Hai certa dispersión nos obxectivos que resultan algo xeneralistas.</p> <p>Coherencia total cos obxectivos das bases aínda que non implica unha especial orixinalidade.</p> <p>Non constan colaboradores nin cofinanciadores.</p> <p>* Aspectos entidade: 1,18</p> <p>* Aspectos proxecto: 5,05</p> <p>* Recursos e financiación: 1,10</p>	7,33	716,05€
<p>Asociación de jóvenes empresarios de Vigo</p> <p>CIF: G 36905040</p> <p>Importe proxecto: 6600€</p> <p>Solicitud de subvención: 3300€</p>	<p><u>“Clubes AJE 2007”</u></p> <p>Proxecto moi breve e escaso que completan cun anexo III extenso en documentación de prensa e información adicional.</p> <p>Obxectivos claros e fundamentación escasa.</p> <p>A favor, a solvencia e solidez da entidade realizando as accións propostas reflexada na memoria do pasado ano ampla e ilustrada con</p>	6,99	682,83€

	<p>fotos que resulta bastante interesante para analizar a entidade como tal.</p> <p>As accións propostas son pouco innovadoras aínda que posúen interese dende unha perspectiva cultural. Negativo que os/as participantes serán preferentemente xoves xa pertencentes a asociación.</p> <p>Destacar a extensa participación doutras entidades e empresas no proxecto.</p> <p>* Aspectos entidade: 1,11</p> <p>* Aspectos do proxecto: 4,48</p> <p>* Recursos e financiación: 1,40</p>		
<p>AVCR San Mamede de Zamáns</p> <p>CIF: G 36691855</p> <p>Importe total proxecto: 5399€</p> <p>Subvención solicitada: 2700€</p>	<p><u>“Programa xuvenil Zamáns 2007”</u></p> <p>Proxecto con presentación correcta e cunha narración clara e unha estrutura casi completa. A fundamentación aínda que algo escasa está presente e traballada.</p> <p>O proxecto é de carácter clásico, acorde coa liña dunha asociación de veciños, coherente non obstante cos nosos obxectivos.</p> <p>Carece de sistemas avaliativos da actividade e non constan entidades colaboradoras.</p> <p>* Aspectos da entidade: 1,43</p> <p>* Aspectos do proxecto: 4,95</p> <p>* Recursos e financiación: 1,10</p>	7,48	730,70€
<p>Alecrín</p> <p>CIF: G 36633154</p> <p>Importe total proxecto: 5304,96€</p> <p>Subvención solicitada: 2652,48€ (50%)*</p>	<p><u>“Campaña informativa sexualidade e afectividade”</u></p> <p>O proxecto está moi ben presentado tanto a nivel formal como estrutural.</p> <p>Posúe unha fundamentación clara e bastante extensa. É meritoria a descrición xeral de obxectivos que permiten coñecer con amplitude a finalidade do proxecto.</p> <p>En canto ao contido, o proxecto conleva un aspecto preventivo/informativo e ademáis orientativo bastante novidoso ao ubicar a acción na Praia e ademáis, traballan un aspecto necesario socialmente que é o campo afectivo e sexual imprescindible nunha liña de traballo dun departamento de xuventude.</p> <p>O proxecto está avalado pola ampla experiencia e a continua colaboración municipal con este departamento do Centro Xove de anticoncepción e sexualidade que o promove.</p> <p>* Aspectos da entidade: 0,65</p> <p>* Aspectos do proxecto: 6,90</p> <p>* Recursos e financiación: 1</p>	8,55	835,23€
Asociación Juvenil Areas	<u>“Talleres de pintura”</u>		

<p>CIF: G 36768729 Importe total proxecto: 5400€ Subvención solicitada: 2000€</p>	<p>Proxecto de aparencia simple e bastante escaso en contidos. A estrutura resulta demasiado sinxela dado que carece de algúns elementos importantes para poder coñecer o contido do proxecto. A presentación formal é deficiente. Non existe ningún desenrolo de fundamentación ou xustificación do proxecto. O proxecto en sí é interesante dentro do ámbito asociativo da entidade solicitante. Non obstante carece de elementos innovadores e resulta ser unha continuidade das accións anteriores. * Aspectos da entidade: 0,58 * Aspectos do proxecto: 2,73 * Recursos e financiación: 1</p>	<p>4,31</p>	<p>421,03€</p>
<p>Asociación Veciñal de Navia G 36648608 Importe total proxecto: 5405€ Subvención solicitada: 2700€</p>	<p><u>“Obradoiro de radio de Navia”</u> Proxecto de presentación formal moi correcto e desenrolo de contidos óptimo, cubrindo os diferentes elementos descritores necesarios para coñecer o proxecto. Posúe unha fundamentación bastante destacada e ben xustificada para dar senso a un proxecto bastante novidoso dentro do ámbito do barrio de Navia. É un tema en esencia de carácter xuvenil e que traballa sobre o eido da comunicación e a expresión oral. A asociación conta ademáis con recursos propios moi valiosos para materializar o proxecto. Non presentan colaboracións. * Aspectos da entidade: 1,30 * Aspectos do proxecto: 5,61 * Recursos e financiación: 1,65</p>	<p>8,56</p>	<p>836,20€</p>
<p>Grupo Xuvenil A Salgueira Importe total proxecto: 7511€ Subvención solicitada: 3755€</p>	<p><u>“Memorial Pecheche”</u> O proxecto está elaborado por un grupo informal de xoves reunidos por motivos afectivos a raíz da morte dun amigo. A presentación do proxecto é bastante boa, destacando a claridade da estrutura e unha correcta fundamentación. Unha presentación limpa e concisa coa información necesaria aínda que sin gran amplitude. O proxecto non presenta unha innovación sulíñable senón que o valorable provén do protagonismo e da iniciativa dos/as xoves á hora de xestionar un proxecto que ofrece fundamentalmente un entretenemento lúdico</p>	<p>6,86</p>	<p>670,13€</p>

	<p>para un gran número de xoves do barrio en cuestión.</p> <p>* Aspectos da entidade: 1,61 * Aspectos do proxecto: 4,15 * Recursos e financiación: 1,10</p>		
<p>Club Xuvenil Doira CIF: G 36621852 Importe total proxecto: 19080€ Subvención solicitada: 5000€</p>	<p>O proxecto ten unha presentación excelente tanto a nivel formal como de contidos incluíndo un anexo documental con arquivo de prensa que apoia positivamente o proxecto. Presenta unha fundamentación estupenda e un desenrolo das diferentes propostas específicas descritas con extensión e claridade. Os obxectivos e a estrutura resultan moi ilustrativos e abarcan unha amplitude de descrições moi notables no contexto do proxecto. O proxecto conleva certa complexidade e implica, na súa contra, un presuposto excesivamente alto e tanto máis si temos en conta que os beneficiarios directos das accións puntuais serán só 30 xoves. O peso do presuposto recae na súa maioría na parte científica do “Cube satélite”. Destaca por outro lado pola súa orixinalidade e innovación tecnolóxica.</p> <p>* Aspectos da entidade: 0,83 * Aspectos do proxecto: 5,63 * Recursos e financiación: 1,50</p>	7,96	777,59€
<p>Asociación Xuvenil de Valadares CIF: G 36744951 Importe total proxecto: 7000€ Subvención solicitada: 3000€</p>	<p><u>“ Servizos a Xuventude”</u></p> <p>Presentan un proxecto cunha óptima estrutura e unha positiva exposición dos diferentes servizos que se inclúen no proxecto. Na súa maioría son servizos de carácter permanente. É de destacar a descrición e o análise da realidade do barrio no que se desenvolve o proxecto. Unha destacada fundamentación, ben narrada e bastante traballada. O proxecto ten un gran interese en canto son accións que aseguran a continuidade duns servizos que funcionan ao longo do ano e que son coñecidos como un referente na zona. Todas as accións son realizadas por xoves da zona.</p> <p>* Aspectos da entidade: 0,87 * Aspectos do proxecto: 5,41 * recursos e financiación: 1,10</p>	7,38	720,93€

<p>Asociación de persoas sordas de Vigo CIF: G 36622835 Importe total proxecto: 1860€ Subvención solicitada: 930€</p>	<p><u>“Nos tamén nos movemos”</u> Proxecto elaborado con bastante calidade formal e estrutural e gran claridade expositiva que axuda a súa inmediata comprensión do proxecto. Contén unha boa fundamentación tanto sobre as accións propostas como sobre as necesidades deste colectivo con discapacidade. As accións non supoñen ningunha orixinalidade e, por outro lado, responden as necesidades e sobre todo a demanda detectadas polos solicitantes dentro do marco e o funcionamento diario da súa asociación. Son accións de carácter lúdico e con matices de formación nalgúns casos. Presentan colaboracións de interese. * Aspectos da entidade: 1,27 * Aspectos do proxecto: 5,10 * Recursos e financiación: 1,40</p>	7,77	759,03€
<p>Cruz Vermella A.C. De Vigo CIF: Q 2866001-G Importe total proxecto: 4200€ Subvención solicitada: 2100€</p>	<p><u>“Veraneo 2007”</u> Neste proxecto hai que suliñar e destacar tódolos aspectos do mesmo, e dicir, a presentación formal e estrutural, a narración clara e ampla dos elementos da acción e, en xeral, se observa un proxecto ben elaborado e traballado na súa esencia. Destacar a especificación dos obxectivos e o detalle e motivación exposta das actividades a subvencionar. As actividades non son innovadoras senón que son accións cuio obxectivo esencial e o fomento das relacións humanas i éticas tanto entre participantes como ante a sociedade. En coherencia cos principios que rixen a Cruz Vermella. Non constan outras colaboracións. * Aspectos da entidade: 1,80 * Aspectos do proxecto: 5,47 * Recursos e financiación: 1,10</p>	8,37	817,64€
<p>Asociación Veciñal Doutor Fleming CIF: G 36709004 Importe total proxecto: 8390€ Subvención solicitada: 2000€</p>	<p><u>“Dr. Fleming Xuvenil”</u> Proxecto correcto a nivel formal e de contidos. A estrutura está completa aínda que, nalgúns apartados, falta unha maior especificación de descrições das accións propostas. Así mesmo carecen dunha boa fundamentación dada a escasez e brevidade da exposta. As accións propostas forman parte do programa da asociación na zona. Son actividades de rasgos esencialmente lúdicos e de entretenemento. Non aportan orixinalidade</p>	7,37	719,96€

	<p>máis posúen un interese destacado dentro da vida de cada barrio ou zona na que traballan. Non constan colaboradores. * Aspectos da entidade: 1,15 * Aspectos do proxecto: 4,62 * Recursos e financiación: 1,60</p>		
<p>Asociación Xuvenil do CSCR de Beade CIF: G 36851806 Importe total proxecto:4905€ Subvención solicitada: 2452€ (50%)*</p>	<p><u>“Xuventude en Beade”</u> É un proxecto sinxelo en exceso e tanto a nivel formal como de contido. A estrutura resulta así mesmo bastante deficiente. A fundamentación está presente aínda que é escasa e demasiado breve. Non obstante presenta unha correcta e detallada especificación de actividades. As accións propostas non son orixinais e forman parte do programa de accións da propia asociación pensando sobre todo no entretenimento da poboación destinataria. O proxecto presenta varias colaboracións no desenrolo do proxecto. * Aspectos da entidade: 2,77 * Aspectos do proxecto: 4,25 * Recursos e financiación: 0,80</p>	7,82	763,92€
<p>Grupo de Alejandro Alonso Novoa Importe total proxecto: 2670€ Subvención solicitada: 1335€</p>	<p><u>“Campionato patinaxe en liña Cidade de Vigo”</u> O proxecto presentado é correcto en contido e forma, non obstante carece de certo desenrolo no aspecto da xustificación que non se traballa a nivel estrutural. Presenta eso sí, un programa moi detallado da actividade, que é o aspecto máis destacado de todo o proxecto. En termos xerais é un proxecto sinxelo cuxa estrutura presenta deficiencias pero detalla e explica as actividades positivamente. Outro aspecto o seu favor é o carácter da actividade que resulta novidoso e orixinal dentro do panorama deportivo xuvenil da cidade. Non hai outras iniciativas en Vigo que se asemellen e teñen desenvolvido a mesma actividade durante outras edicións. Así mesmo é suliñable que a xestión e desenrolo da acción está realizada por xoves menores de 30 anos e que as colaboracións conquistadas para a mesma son notables. * Aspectos da entidade: 1,93 * Aspectos do proxecto: 5,25 * Recursos e financiación: 2,10</p>	9,28	906,54€

--	--	--	--

* As subvencións solicitadas exceden ao 50% máximo establecido nas bases. Esta cantidade si que é o 50% correspondente ao total.

Total puntuación: 122,84 puntos. Cada punto: 97,688€.

Total subvencións: 11999,91€”

ASUNTOS FORA DA ORDE DO DIA

A Xunta de Goberno Local, co quorum regulamentario, acorda declarar de urxencia os asuntos seguintes, de conformidade co artº. 51 do Texto Refundido das disposicións legais vixentes en materia de réxime local, aprobado por Decreto legislativo 781/1986 de 18 de abril.

22(2110).- GASTO DE LOCOMOCIÓN DO PERSOAL MUNICIPAL- OUTUBRO 2007. EXPTE. 17868/220.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinadas as actuacións do expediente, visto o informe de Intervención Xeral, do 22.11.07, e de acordo co informe-proposta da técnica de Recursos Humanos, do 20.11.07, conformado pola xefa da Unidade de Persoal e polo concelleiro delegado da Área de Xestión Municipal, a Xunta de Goberno local acorda:

Autorizar o gasto por un importe de 5.853,35 € correspondente ás indemnizacións por desprazamento no termo municipal por razóns do servizo do persoal municipal, correspondentes aos servizos de Limpeza, OSPIO-Vías e Obras-Control Concesionarias, Seguridade, Benestar Social, Cemiterios, Sanidade, Conserxería, Participación Cidadá, Normalización Lingüística, Museo Quiñones de León, Educación e Parques e Xardíns con cargo á clasificación económica do orzamento 231.00.00 -Gastos de Locomoción.

	Servicio	Total
4420	Limpeza	355,13
5110	OSPIO-Vías e Obras-Control Concesionarias	2.804,91
2220	Mobilidade e Seguridade	492,86
3130	Benestar Social	23,56
4430	Cemeterios	146,11
4120	Sanidade	285,57
1210	Conserxería	670,89
4631	Participación Cidadá	59,90
4633	Normalización Lingüística	6,84
4513	Museo Quiñones de León	34,20
4220	Educación	667,29
4326	Parques e Xardíns	306,09
	TOTAL	5.853,35

23(2111).- INSTALACIÓN DUNHA PISTA DE XEO DENTRO DO RECINTO DO AUDITORIO DE CASTRELOS. EXPTE.45/107.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinadas as actuacións do expediente, dáse conta do informe-proposta, de data 21.11.07, asinado polo tenente de alcalde, que di o seguinte:

Seguindo instrucións do Tenente de Alcalde iniciouse o expediente conducente a tramitación da autorización para a instalación dunha pista de xeo dentro do recinto do auditorio de Castrelos.

Este proxecto contéplase dentro do marco de promoción de actividades recreativas para complementar a dinamización na cidade de Vigo no entorno das datas do Nadal. A actividade recreativa vinculada a unha pista de xeo e un proxecto de promoción que desperta gran interés entre toda a poboación, e de forma especial nestas épocas do ano, polo cal, atendendo as peculiaridades derivadas dos diversos proxectos e opcións de montaxe estímase convinte ubicar este tipo de instalacións nun entorno que facilite o acceso e poda ser complementario das actividades naturais dos vigueses e viguesas no seu tempo de ócio.

En base o exposto, dende a Tenencia de Alcaldía, solicitouse informe o departamento municipal de Animación Sociocultural sobre a viabilidade do montaxe desta actividade no interior do recinto do auditorio de Castrelos, tendo en conta que esta actividade responde as demandas básicas de montaxe e desmontaxe de calquera actividade cultural ou espectáculo para o cal esta deseñado este recinto.

Com data 19 de decembro o Xefe do Servizo de Animación Sociocultural, informa de forma favorable en base a contemplar unha serie de aspectos relacionados coa cobertura dos riscos inherentes a este proxecto, así como a supervisión e control do correcto uso deste recinto.

En base informe mencionado o proxecto que se presenta contempla de forma específica as consideracións feitas polo departamento de Animación Sociocultural, polo que continuase o presente expediente para a solicitude da autorización da citada instalación de Xeo en base as seguintes condicións ofertadas pola empresa Special Events productions S.L.(cif:B-61665766)

Ubicación da pista:

Zoa do patio de butacas do recinto. Para o montaxe da zoa se realizará o montaxe dunha tarima para nivelar o terreo.

- 1. Pista de xeo de 20 x 30.*
- 2. Montaxe de maquinaria enfriadora homologada. Consumo de potencia máxima 240 KW, consumo médio entre 70 e 90 kw/h.*
- 3. Cuadros electricos de montaxe homologados.*
- 4. Instalación realizada pola empresa responsable da pista de xeo.*

Instalación de servizos auxiliares da instalación:

Carpas para os servizos de atención o público, taquilla de venda de entradas, zoa de calzado e patins, bancos, equipo de música para animación das actividades, iluminación nocturna e decoración do entorno.

Necesidade de utilización de outros espazos:

De cara a poder estruturar outros servizos complementarios na instalación se solicita autorización para o montaxe de servizos auxiliares no espazo do escenario tales como xogos de hinchables para nenos, outras areas de xogos e um espazo auxiliar de cafetería para a zoa de espera. Tamén solicítase o uso de outros espazos do recinto como servizos de público e algún espazo para oficina desta actividade.

Recursos humanos:

A empresa responsable do montaxe da pista aportará o persoal necesario para a coordinación do proxecto, os monitores/as, a vixianza nocturna da instalación durante todo o período da actividade, así como a responsabilidade técnica do correcto funcionamento das instalacións durante as 24 horas do día.

Responsabilidades:

A empresa responsable do montaxe, asumirá a contratación dun seguro para cubrir os problemas derivados do

montaxe e desmontaxe, así como un seguro de responsabilidade civil adecuado nas súas cuantías a actividade proposta.

Horarios da actividade:

Período: 1 de decembro- 29 de febreiro.

Horarios:

Período lectivo escolar.

de luns a venres: 10.00 h. a 14.00 h., e de 16.00 a 22.00 h.

sábados e domingos: 12.00 h. a 22.00 h.

Período non lectivo escolar.

de luns a domingo: 10.00 h. a 22.00 h.

Datas especiais:

24 e 31 de decembro: 12.00 h. a 19.00 h.

25 decembro 1 de xaneiro: 16.00 h. a 22.00 h.

Tarifas de prezos para os programas de actividade da pista de Xeo:

- Establecerase un prezo único de 6,00 € (seis euros) por persoa para a actividade de patinaxe.
- Programa de promoción escolar:
 - Establecerase un prezo reducido de 3,00 € (tres euros) por neno ou nena, para o programa escolar a través de centros de ensino con actividade concertada ou invitados polo Concello de Vigo. Esta actividade estará coordinada por un técnico da instalación ademais dos monitores que orientarán durante a actividade.

A coordinación dos proxectos de seguimento do montaxe e funcionamento da Pista de Xeo será xestionada dende a Tenencia de Alcaldía tendo en conta as consideracións feitas polo departamento de Animación Sociocultural.

Adxuntase o presente expediente a seguinte documentación acreditativa das condicións do proxecto de montaxe da pista de xeo, así como os documentos acreditativos da capacidade de obrar da empresa organizadora do proxecto.

Por todo o exposto, proponse a Xunta Local de Goberno a adopción do seguinte acordo:

Primeiro: Autorizar o montaxe dun pista de Xeo nas instalacións do Auditorio de Castrelos, a empresa Special Events Productions S.L. (cif:B-61665766), durante o período comprendido entre o mes de decembro de 2007 e o mes de febreiro de 2008, en base as especificacións técnicas que constan no presente expediente.

Segundo: A Empresa Special Events Productions S.L. (cif:B-61665766), responsabilizarse de cumprir todos os requisitos técnicos así como de seguridade necesarios para as actividades previstas no programa.

Acordo

A Xunta de Goberno local aproba a proposta contida no precedente informe.

24(2112).- PROXECTO DE CONVENIO DE COLABORACIÓN ENTRE O CONCELLO DE VIGO E A FUNDACIÓN VIGO EN DEPORTE (VIDE) CARA A PROMOCIÓN DO DEPORTE LOCAL. EXPTE. 7351/333.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinadas as actuacións do expediente, visto o informe xurídico favorable, do 15.11.07, o informe de fiscalización, do 26.11.07 e de acordo co informe-proposta do director técnico do IMD, do 12.11.07, c onformado polo concelleiro delegado de Deportes, a Xunta de Goberno local acorda:

PRIMEIRO: A aprobación do texto do convenio que rexerá entre a Concellería de Deportes do Concello de Vigo e a Fundación Vigo Deporte (VIDE) para o proxecto de actividades do ano 2007.

SEGUNDO: Aprobar e dispoñer do gasto de 102.785,00 €. a favor da entidade: Fundación Vigo Deporte, co CIF: G-36894020 con enderezo social na rúa Cesáreo González, s/n en Vigo. c/c 2080 0065 34 0040027966 con cargo á partida 4521.489.00.01 do vixente presuposto, aplicando a bolsa de vinculación "4521.48" do orzamento vixente, tendo en conta a disposición destes fondos xa que non afectan a ningún outro programa.

CONVENIO ENTRE O CONCELLO DE VIGO E A FUNDACIÓN VIGO DEPORTE PARA O DESENVOLVEMENTO DO DEPORTE LOCAL.

En Vigo, a de de 2007

REUNIDOS

Dunha parte: D. Francisco Xavier Alonso Pérez, Concelleiro Delegado de Deportes do Concello de Vigo.

Doutra parte: D^a Laura Magdalena Martínez, con D.N.I. 36.114.700-P V, Directora Xerante da Fundación Vigo en Deporte, con C.I.F. G- 36.894.020 e con domicilio social en Rúa Cesáreo González, s/n Vigo.

EXPOÑEN

PRIMEIRO.- Que a Fundación Vigo en Deporte foi constituída con data 19 de novembro de 2001 e clasificada por Orden da Consellería da Presidencia, Relacións Institucionais e Administración Pública de 27 de decembro de 2001 e declarada de interese galego pola mesma Consellería de 4 de febreiro de 2.002, quedando adscrita ó Protectorado da Xunta de Galicia e atopase incluída entre as reguladas na Sección 1^a Capítulo I do Título II da Lei 30/1.994; ten entre os seus fins fundacionais o fomento do deporte co orixe en Vigo.

SEGUNDO.- Que o Concello de Vigo está interesado en colaborar co desenvolvemento do deporte local dentro do marco de actuacións previstas pola Fundación Vigo en Deporte para o ano 2007 en cumprimento dos seus fins fundacionais. As actuacións deste convenio teñen un claro interese público e social. Asemade a Fundación Vigo Deporte é a única que ten a capacidade organizativa para desenvolver as actuacións previstas na cláusula segunda deste convenio, por todo isto se establecen as seguintes:

CLÁUSULAS

Primeira: O obxecto do presente convenio establece na colaboración da Concellería de Deportes do Concello de Vigo e a Fundación VIDE para a execución do proxecto de promoción do deporte Vigues realizado pola Fundación VIDE para o ano 2007.

Segunda: A lexislación aplicable, para este convenio, é a que sinala o artigo 5 la LXS, que se refire o réxime xurídico das subvencións, do que resulta a seguinte normativa configuradora do réxime xurídico destas subvencións: Lei 38/2003, de 17 de novembro, Xeral de Subvencións, co carácter básico e supletoria que resulta da súa disposición final primeira; a normativa autonómica sobre subvencións Lei 9/2007 do 13 de xuño, de subvencións de Galicia; o Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, xeral de subvencións, as Bases de execución do orzamento do Concello de Vigo para o ano 2007; as restantes normas de dereito administrativo e, no seu defecto, as normas de dereito privado.

En canto a subcontratación das actividades subvencionadas estarase conforme o establecido no artigo 29 da LXS.

Esta subvención ten un claro carácter de interese público social, polo que a súa concesión se acolle no previsto no artigo 19, 4C da lei 9/2007 do 13 de xuño, de subvencións de Galicia, tendo en conta que as actuacións previstas no convenio teñen un alto interese público e social, dada a súa natureza de promoción e difusión dos

programas deportivos, fomentando iniciativas que repercuten na mellora da calidade de vida e saúde dos habitantes da nosa cidade, asemade a Fundación Vigo Deporte é a única destas características que hai en Vigo, polo que a subvención se establece mediante un convenio non existindo concorrencia o tratarse dunha única entidade que se poda facer esta función.

A subvención que regula este convenio non obedece ós principios de publicidade e concorrencia dado que a Fundación Vigo Deporte ten experiencia para o fomento deportivo en Vigo, sendo unha institución que desenvolve programas para favorecer e promover tanto o deporte de base como o de elite, debido a repercusión que ten este organismo no deporte en xeral.

O solicitante para obter a condición de beneficiario debera reunir os requisitos establecidos no artigo 13 da LXS.

Terceira: O obxecto do presente convenio establece na colaboración do Concello de Vigo e a Fundación VIDE para a execución do proxecto de promoción do deporte Vigues realizado pola Fundación VIDE e de forma xeral non ten ningunha incompatibilidade con outras axudas ou subvencións solicitadas ou concedidas procedentes de outras administracións o entes públicos ou privados

Cuarta: A Fundación Vigo en Deporte, comprométese a proporcionarlle as vantaxes sociais de posibilitar a dinamización de deportistas vigueses a través de eventos e competicións organizadas pola Fundación VIDE e de forma concreta establece en:

- *Utilización da imaxe institucional do Concello de Vigo*
- *Publicidade dos programas deportivos na Revista Oficial da Fundación.*
- *Publicidade dos programas deportivos na Páxina Web da Fundación.*
- *Imaxe corporativa en panel para Roldas de Prensa para eventos deportivos da Fundación.*
- *Imaxe corporativa dos actos organizados e celebrados na Fundación Vigo en Deporte.*
- *Colaborar co Concello de Vigo na difusión dos programas deportivos desenvolvidos dende este e que teñen vinculación directa cos obxectivos da Fundación.*
- *Traballar conxuntamente na difusión e promoción necesaria dos programas de actuación deportiva de cara o ensino e iniciación deportiva en tódolos aspectos.*
- *Establecer servizos propios de asesoramento, xestión e divulgación no ámbito do deporte de competición para as entidades deportivas de Vigo, conxuntamente coa concellería de deportes.*
- *Fomentar, estimular e promover iniciativas e suxestións dos axentes implicados no ámbito deportivo desta Fundación, conxuntamente coa concellería de deportes.*
- *Promocionar a actividade dos equipos de elite da cidade a través dun programa de colaboración específico.*
- *Promocionar a realización de diversos programas de promoción do deporte a través da realización en colaboración das entidades deportivas da cidade de programas ou eventos vinculados co deporte popular.*

Quinta: O Concello de Vigo comprométese a:

- *Facilitar a Fundación VIDE a tramitación das necesidades propias do Concello para a realización de proxectos deportivos nas instalacións deportivas municipais.*
- *Facilitar as fotografías, textos e logotipos precisos para a súa inserción nos ámbitos de promoción da Fundación VIDE, (revista, web, etc).*
- *Aportar a cantidade de 102.785,00 euros (cento dous mil setecentos oitenta e cinco euros) a Fundación VIDE, en base a colaboración do Concello de Vigo na execución do programa de promoción do deporte Vigues realizado pola Fundación VIDE no exercicio 2007, con cargo a vinculación 4521.48 do orzamento vixente*

Sexta: A Vixencia deste convenio e por a totalidade do exercicio 2007, tendo a obriga de presentar a documentación para a xustificación do mesmo antes do 18 de decembro do presente ano.

Septima: a Fundación Vigo Deporte presentará unha memoria para a xustificación das actividades realizadas en base o proxecto presentado, onde figurará relacionadas as actividades realizadas.

A aceptación por parte da Fundación Vigo Deporte da subvención implica as obrigas derivadas da normativa sobre axudas e subvencións .

O órgano instructor poderá solicitar, de ser o caso maior información ou verificar calquera aspecto relacionado coa solicitude subvencionada.

O Concello de Vigo a través dos seus servicios municipais, poderá de ser o caso comprobar o correcto destino da subvención outorgada e se fora preciso proceder a inhabilitación da entidade, para os efectos de non poder volver a solicitar axuda do Concello de Vigo.

A concesión de subvención implica a aceptación por parte da Fundación VIDE das obrigas sinaladas no dito artigo 11 da lei 9/2007 do 13 de xuño, de subvencións de Galicia.

O Técnico responsable do servicio de Deportes do Concello de Vigo, encargado do seguimento do presente convenio, certificará a adecuada xustificación do presente convenio mediante a emisión dun informe no que se poña de manifesto de forma expresa o cumprimento total do obxecto do convenio, ou aquelas circunstancias que imposibiliten a xustificación do mesmo.

Oitava: Para a tramitación do pago do importe da axuda do presente convenio a Fundación VIDE deberá de adxuntar coa memoria correspondente a seguinte documentación:

- 1. Memoria de actuación xustificativa do cumprimento das condicións do preente convenio, con indicación das actividades realizadas e dos resultados obtidos.*
- 2. Xustificantes acreditativos dos gastos vinculados o proxecto do presente convenio coas seguintes especificidades:*
 - a) Facturas orixinais que deberán recoller o número de CIF, a data, o número de factura e o IVE. Estes xustificantes quedarán a disposición do Concello de Vigo; neste sentido non se admitirán facturas fotocopiadas ou compulsadas nin aquelas que non reúnan as condicións previstas no do RD 1496/2003, polo que se regula o deber de expedir a entregar facturas que incumbe a empresarios e profesionais. Nestas facturas se computará o gasto acreditado, deducindo o IVE, salvo que xustifique que este exenta de IVE, os xustificantes corresponderán ós gastos vinculados directamente o obxecto do presente convenio.*
 - b) Atendendo a especificidade da actividade deportiva, aqueles gastos relacionados con arbitrxes, taxas oficiais das federacións deportivas, e outros conceptos análogos poderán ser xustificados a través de documentos orixinais (certificados de ingreso nas federacións, documentos de pago de arbitrxes, documentos de pago de premios deportivos, gastos de desprazamento de xogadores, técnicos, etc.) emitidos polas Federacións ou póla propia Fundación VIDE que recolla adecuadamente, os datos fiscais das partes, as aportacións económicas, as retencións obrigatorias de ser o caso, e demais datos que xustifiquen o valor probativo do gasto en base a eficacia administrativa do mesmo.*
 - c) En relación a xustificación do pago de usos das instalacións deportivas municipais do Concello de Vigo será suficiente o documento orixinal emitido polo Organismo Autonomo IMD, acreditativo dos ingresos por estos conceptos.*
 - d) En relación as aportacións económicas que realiza a Fundación VIDE, será suficiente o documento orixinal da certificación da Doación realizada póla Fundación VIDE a favor da entidade correspondente que xustifique o valor probativo do gasto en base a eficacia administrativa do mesmo.*

Novena: O incumprimento de calquera das cláusulas deste convenio poder ser denunciada polas partes, sendo facultada a comisión de seguimento para resolver as posibles controversias derivadas da execución e interpretación do convenio

Décima: O concelleiro de Deportes do Concello de Vigo queda facultado para solucionar posibles controversias da execución e interpretación do convenio.

Decima primeira: As causas de reintegro da subvención serán as que se determinan no artigo 33 da lei 9/2007 do 13 de xuño, de subvencións de Galicia

Decima segunda: A Fundación VIDE deberá comunicar o Concello de Vigo calquera subvención que reciba para o mesmo fin (programas e actuacións que figuran neste convenio).

Así de conformidade con canto antecede e no exercicio das facultades de que son titulares cada un dos firmantes, subscriben este Convenio.

25(2113).- ADXUDICACIÓN DAS OBRAS REFORMA E ACONDICIONAMENTO DAS DEPENDENCIAS DO MERCADO DO PROGRESO. EXPTE. 1/551.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinadas as actuacións do expediente e de acordo coa proposta da Mesa de Contratación realizada o 21.11.07, conformada polo interventor xeral, a Xunta de Goberno local acorda:

Adxudicar a “Agrupconsa, S.L.” as obras do proxecto de reforma e acondicionamento das dependencias do Mercado do Progreso (expte 1-551) por un importe de 325.500 euros e comprometéndose o contrataista a execución das obras de acondicionamento nas zonas comúns do Mercado que dan acceso ó sótanos –1 e –2 do aparcamento que se executaran coas mesmas características que o acabado previsto para as escaleiras de evacuación. Todo iso de acordo co proxecto e o prego de condicións técnicas e administrativas aprobados pola Xunta de Goberno de 29-10-2007 e a oferta presentada .

26(2114).- ADXUDICACIÓN DA SUBMINISTRACIÓN DE 13 XARDIÑEIRAS DE PE CON PRANTAS DE TEMPADA. EXPTE. 2210/104.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinadas as actuacións do expediente e de acordo coa proposta da Mesa de Contratación realizada o 21.11.07, conformada polo interventor xeral, a Xunta de Goberno local acorda:

Adxudicar a “Calfensa Proyectos, S.L.” a subministración de 13 xardiñeiras de pe con prantas de tempada (expte 2210-104) por un importe de 39.848,90 euros e unha mellora que consiste nunha segunda plantación. Todo iso de acordo cos pregos de condicións técnicas e administrativas aprobados pola Xunta de Goberno de 22-10-2007 e a oferta presentada .

27(2115).- ADXUDICACIÓN DA SUBMINISTRACIÓN E INSTALACIÓN DUN SISTEMA DE ILUMINACIÓN ARTÍSTICA NO ENTORNO DA IGREXA DE SANTIAGO DE VIGO. EXPTE. 2212/104.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinadas as actuacións do expediente e de acordo coa proposta da Mesa de Contratación realizada o 21.11.07, conformada polo interventor xeral, a Xunta de Goberno local acorda:

1.- Excluir a proposta presentada por Esycsa, S.A. xa que propón a execución global do proxecto en dúas fases por un importe global de 151.828,26 euros superando o tipo de licitación que é de 100.000 euros.

2.- “Adxudicar a “Sielvigo, S.L.” a subministración e instalación dun sistema de iluminación artística no entorno da igrexa de Santiago de Vigo (expte 2212-104) por un importe de 100.000 euros e as seguintes melloras:

- a) 13.117, 22 euros destinada a melloras na iluminación pública do entorno
- b) Diferencias de reenganche automático por 480 euros.
- c) Iluminación funcional das torres por 958,50 euros
- d) Control de calidade por 1.800 euros.

Todo iso de acordo cos pregos de condicións técnicas e administrativas aprobados pola Xunta de Goberno de 22-10-2007 e a oferta presentada .

28(2116).- ADXUDICACIÓN DO CONCURSO PARA A CONTRATACIÓN DOS SERVIZOS PARA O DESENVOLVEMENTO DE SOFTWARE DO PROXECTO DE MODERNIZACIÓN DO CONCELLO DE VIGO. FASE I. EXPTE. 3017/113.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinadas as actuacións do expediente e de acordo coa proposta da Mesa de Contratación, realizada o 22.11.07, conformada polo interventor xeral, a Xunta de Goberno local acorda:

Adxudicar a “Imatia Innovation, S.L.” os lotes 1 (novos desenrols da aplicación de xestión de expedientes), 2 (outros sistemas de xestión interna) e 3 (web de servizos) do concurso para a contratación dos servizos para o desenvolvemento de software do proxecto de modernización do concello de Vigo Fase I (expte 3017-113) por uns importes respectivos de 45.115 euros, 112.190 e 79.335 euros. Todo iso de acordo cos pregos de condicións técnicas e administrativas aprobados pola Xunta de Goberno de 08-10-2007 e a oferta presentada .

29(2117).- ADXUDICACIÓN DO PROCEDEMENTO NEGOCIADO PARA A SUBMINISTRACIÓN DE EQUIPAMENTO DE COMUNICACIÓN DO PROXECTO DE MODERNIZACIÓN ADMINISTRATIVA DO CONCELLO DE VIGO. EXPTE. 3041/113.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinadas as actuacións do expediente e de acordo coa proposta da Mesa de Contratación, realizada o 22.11.07, conformada polo interventor xeral, a Xunta de Goberno local acorda:

Adxudicar a “Ednon, S.L.” o procedemento negociado para a subministración de equipamento de comunicacións do proxecto de modernización administrativa do Concello de Vigo (expte. 3041-113) por un prezo de 23.192 euros, comprometéndose a entrega de 3 switches centrais e 10 periféricos, reducindo prazo de execución en 75 días e aumentando o prazo de garantía do hardware e software en un ano. Todo iso de acordo cos pregos de condicións técnicas e administrativas aprobados pola Xunta de Goberno de 08.10.2007 e a oferta presentada .

30(2118).- ADXUDICACIÓN DO CONCURSO PARA A SUBMINISTRACIÓN DUNHA PLATAFORMA DE PROCESAMENTO QUE DE SOPORTE Á MODERNIZACIÓN ADMINISTRATIVA DO CONCELLO DE VIGO. EXPTE. 3023/113.

A Xunta de Goberno Local, co quorum regulamentario, acorda declara-la urxencia do asunto de

referencia por estar fóra da orde do día.

Examinadas as actuacións do expediente e de acordo coa proposta da Mesa de Contratación, realizada o 22.11.07, conformada polo interventor xeral, a Xunta de Goberno local acorda:

1º.- Adxudicar a “Tecnocom, Telecomunicacións y Energía, S.A. o lote 1 (creación dun cluster de servidores) do concurso para a subministración dunha plataforma de procesamento que de soporte á modernización administrativa do Concello de Vigo (expte. 3023-113) por un prezo de 154.000 euros, comprometéndose a entrega de 3 servidores IBM x 3850 máis un servidor adicional (modelo IBM x3755) para a virtualización de servidores, reducindo prazo de execución en 60 días e aumentando o prazo de garantía do hardware en 12 meses. Todo iso de acordo cos pregos de condicións técnicas e administrativas aprobados pola Xunta de Goberno de 08-10-2007 e a oferta presentada .

2º.- Adxudicar a “Telinco Informática S.L.U. o lote 2 (actualización de equipos clientes) do concurso para a subministración dunha plataforma de procesamento que de soporte á modernización administrativa do Concello de Vigo (expte. 3023-113) por un prezo de 69.600 euros, comprometéndose a entrega de 150 Pcs, reducindo prazo de execución en 85 días e aumentando o prazo de garantía do hardware en 12 meses e 60 meses para o software. Todo iso de acordo cos pregos de condicións técnicas e administrativas aprobados pola Xunta de Goberno de 08-10-2007 e a oferta presentada .

31(2119).- ROGOS E PREGUNTAS.

Non houbo ningunha intervención neste punto.

E sen ter máis asuntos que tratar, o Sr. presidente rematou a sesión ás catorce horas e vinte e dous minutos. Como secretaria dou fé.

me.

A CONCELLEIRA-SECRETARIA
DA XUNTA DE GOBERNO LOCAL,

Isaura Abelairas Rodríguez.